

呂氏春秋



字號	空軍軍官學校圖書館
登錄號	<del>0445</del>
類號	<del>#116 4430</del>

12/11/87

空軍軍官學校圖書館	
登錄號	00120
類號	055/4430

國家圖書館典藏 空軍軍官學校圖書館

由國家圖書館數位化

登錄號	00120
類號	121.87 / 4430

~~登記號 5971~~  
~~類號 05/4430~~

60/13

公用圖書  
愛惜使用

生國學叢書

呂

氏

編輯主幹

王岫廬  
朱經農

選註者莊適

春館

圖書  
館  
杭州笕橋

161  
4430

商務印書館發行

000339

121.87  
856  
16

## 學生國學叢書編例

一、中學以上國文功課，重在課外閱讀，自力攻求，教師則爲之指導焉耳。惟重篇巨帙，釋解紛繁，得失互見，將使學生披沙而得金，貫散以成統，殊非時力所許。是有需乎經過整理之書篇矣。本館鑒此，遂有學生國學叢書之輯。

一、本叢書所收，均重要著作。略舉大凡：經部如詩、禮、春秋、史部如史、漢、五代、子部如莊、孟、荀、韓，並皆列入；文辭則上溯漢、魏，下迄近代，詩歌則陶、謝、李、杜，均有單本，詞則多采五代、北宋，曲則擷取元、明大家，傳奇、小說，亦選其英。

一、諸書選輯各篇，以足以表見其書，其作家之思想精神、文學技術者爲準。其無關宏旨者，概從刪削。所選之篇類，不省節，以免割裂之病。

一、諸書均爲分段落，作句讀，以便省覽。





一、諸書均有注釋。古籍異釋紛如，則采其較長者。注釋刊載每頁之末，按檢至便。

一、諸書較爲罕見之字，均注音切，並附注音字母，以便諷誦。

一、諸書卷首，均有新序，述作者生平，本書概要，凡所以示學生研究門徑者，不厭其詳。

一、編者識力有限，固陋在所難免。當世學人籠而教之，無不樂承。

## 緒言

## 一 呂氏春秋的由來

呂氏春秋舊題「呂不韋撰」，其實是他門下士所作。原來這部書產生的原因，很是特別，當呂不韋做秦國宰相的時候，魏國有信陵君，楚國有春申君，趙國有平原君，齊國有孟嘗君，都折節下士，喜賓客，賓客愈多，他們的名氣愈大；呂不韋覺得秦國這樣的強盛，自己又這樣的貴顯，這件事不應當不及他們，所以也盡力招致賓客，居然也招得食客數千人。那時候諸侯辯士如荀卿、虞卿一班人，都著書傳布。

天下，不韋一想，這也是顯名的妙法，自己雖能力不及，現放着許多食客，正好利用，於是也叫他們把自己的心得，和傳聞的故事，各自寫出來，集成一書，他就把這書冒稱自己的著作，名爲呂氏春秋，這便是呂氏春秋的由來了。

二 呂不韋傳

呂不韋本是陽翟地方一個有名的富商，有一次，他爲着賣買的事，到趙國去，恰巧有個秦昭王庶孫名楚的在趙國做質子，不韋見了，以爲奇貨，就和楚商量，說他父親安國君現做昭王的太子，要到秦國去運動安國君，把他立做嫡嗣，楚聽了這話，很是

歡喜；後來不韋到了秦國，居然把這件事運動成功，不用說，楚自然把呂不韋感激到十二分。不上幾年，秦昭王死了，安國君即位，爲孝文王，就立楚做了太子，孝文王在位一年，又死了，楚即位，爲莊襄王，因呂不韋有大功，拜爲丞相，封文信侯，食河南洛陽十萬戶，以爲酬報。莊襄王在趙國的時候，有一趙女，和不韋同居，有了身孕，不韋就把她獻給莊襄王，等到生下來，却是個男孩子，莊襄王給他提名叫政，以爲是自己的骨血，却不知他的生身父就是呂不韋；莊襄王立三年，死，政即位，——這就是始皇帝，——尊不韋爲相國，號稱仲父。這時候那個和不韋同居的趙女，已

爲太后，常常和不韋私通，不韋怕事情發覺，害及自己，另外覓得一個大陰人，叫做嫪毐，裝作宦者，送入宮中，做了自己的替身。後來始皇長大，有人告發嫪毐，並非宦者，考問得實，嫪毐族誅，不韋也被牽連，革去相職，休歸河南。諸侯賓客使者聽得不韋革職，接連不斷的到他家問候，始皇防他作亂，叫他率領家屬遷居蜀地，不韋怕終究不能免死，就服毒自盡了。

### 三 呂氏春秋的價值

照上面所說，呂不韋用機詐手段，博取富貴，品行既無足取，功業又不足稱，不過是一個奸險小人罷了，怎麼會揚名後世的呢？那就不能歸功於呂氏

春秋原來呂氏春秋這部書，很有可取之處。如貴養生、本生等篇，譏厚葬的節喪等篇，重廉節的誠廉等篇，通時變的察今等篇，立論都切中時弊。其他大至君人之道，小至人事之常，也無不「持之有故，言之成理」。呂不韋有了有這樣一部冒牌的書，人家自然援着『不以人廢言』之例，不去十分說壞他了。

周秦之間，著書的人，大抵『有爲而發』。如說虛無的老子，託寓言的莊子，抒忠憤的離騷，說性惡的荀子，尚刑名的韓非子，沒一個不『自成一家之言』。至於借著書以邀名，那書又不是一人專著的，只有呂氏春秋。但是這一點正是呂氏春秋的特色，全書

以儒家爲主，其中却道家言也有，墨家言也有，名家言也有，法家言也有，農家言也有，兵家言也有，『沈博絕麗』（畢沅語）『備天地萬物古今之事』（語見史記本傳）在羣書中可稱『獨樹一幟』。

呂氏春秋取材廣博，如禮經莊子老子文子亢倉子……等，都是他的藍本；等到始皇焚書，他採取的原書，除去上列的幾部外，多半亡失，後人要探索古書，却只能從呂氏春秋內覓得一鱗半爪，因此更覺得這部書有流傳的價值。

可是呂氏春秋這部書，大體雖是不差，不能說沒有『小疵』，因爲全書多至二十餘萬言，又不是一



人的作品，結構自難細密，旨趣自難純一；所以書中往往有記載失實、主張衝突、議論不聯貫的地方。然而書成之後，呂不韋將他「布咸陽市門，懸千金其上，延諸侯遊士賓客有能增損一字者，予千金」（見史記本傳）當時竟沒能增損的，那是甚麼緣故？高誘以爲「時人非不能也，蓋憚相國，畏其勢耳。」這句話或者是不錯的。

#### 四 結語

作者著呂氏春秋的時候，六國雖沒有滅亡，但是大勢所趨，大家知道此種分裂的狀態，不能持久，秦國必得天下，所以書中常有天下不可無天子的



話頭，換句話說，就是天下不可不統一；不過怎樣始能統一，統一後怎樣善後，不可不研究，我們從書中窺察，知道他統一的方法，是用武力，善後的方法，言之甚詳，約分君主、人臣、用民、制度數方面立說。作者初意，很希望將來見諸行事，做一代興王的典則，不料秦得天下之後，李斯作相，迎合了始皇的意旨，嚴刑峻法，專制一切，把書中所說，都撇在腦後，作者一番苦心，竟完全埋沒了。然而呂氏春秋幸而早作二三十年，若使再遲二三十年，嚴酷的秦法已定，人民已失其言論自由，作者此種學術思想，恐怕連發表的機會也沒有了；所以退一步想，呂氏春秋能彀成爲傳

作，已經是幸事，怎麼還說得到實行他的理論呢。

一九二六、七、一七 莊適



# 例言

呂氏春秋全書分十二紀八覽六論，每紀分五篇，每覽分八篇，每論分六篇，合計百六十篇；本書精心采輯，在十二紀中，選本生重己貴公盡數先己審己精通節喪安死異寶異用當務誠廉十三篇，在八覽中，選謹聽首時權勳貴因察今先識覽去宥精諭離謂離俗覽貴信舉難召類十三篇，在六論中，選期賢疑似察傳壅塞別類分職務六七篇，共計三十三篇，都是精美切要之作。

凡關於古代典禮、階級觀念、武力主張等材料，本書以爲不合時宜，都從割愛。

呂氏春秋有元刻本，有明刻本，畢沅依各本校勘，刊行靈巖山館本；光緒初年，浙江書局據此校刻，本書所用，就是浙局所刻的畢氏校本。其中錯誤之處，除依畢校外，更取孫詒讓札迻俞樾諸子平議陳昌齊呂氏春秋正誤等書，詳加訂正。

高誘註往往有不當之處，本書悉據各家訓解，爲之糾正。

# 目錄

## 十二紀選目

本生	一
重己	五
貴公	九
盡數	一三
先己	一六
審己	二〇
精通	二三
節喪	二七

安死……………三一

異寶……………三六

異用……………三九

當務……………四二

誠廉……………四六

### 八覽選目

謹聽……………四九

首時……………五三

權勳……………五八

貴因……………六三



察今……………六七

先識覽……………七一

去宥……………七六

精論……………七九

雜謂……………八四

離俗覽……………八九

貴信……………九四

舉難……………九八

召類……………一〇三

## 六論選目

呂氏春秋 目錄

四

期賢	一〇七
疑似	一一〇
察傳	一一三
察塞	一一七
別類	一二一
分職	一二四
務大	一二八



# 本生○

始生之者，天也，養成之者，人也，能養天之所生而勿撓之，謂之天子。○天子之動也，以全天爲故。○者也，此官之所自立也。立官者，以全生也，今世之惑主，多官而反以害生，則失所爲立之矣。○譬之若修兵者，以備寇也，今修兵而反以自攻，則亦失所爲修之矣。○

○本生以能養其生爲本之意。

○撓猶戾也。如上古帝王教民爲宮室，教民火食，教民耕稼醫藥，使

民無夭折之患，皆爲能養天之所生者。

○故事也。

○多立官乃任不肖以害民，則失所爲立官之

意。○修兵本以備寇，而因民心之不順，所修之兵，適爲己害，則失所爲修兵之意。

夫水之性清，土者拍○之故，不得清，人之性壽，物者扣之，故不得壽，物也者，

所以養性也，非〔所〕以性養也，今世之人，惑者多以性養物，○則不知輕重○也，

不知輕重，則重者爲輕，輕者爲重矣；若此，則每動無不敗，以此爲君，悖，以此爲臣，亂，以此爲子，狂，三者國有一焉，無幸必亡。④

①拍一說，本作「滑」，讀如「骨」，濁也。

②身爲物所役，雖徇之而勿悟，所謂以性養物也。

③輕以喻

物，重以喻身。

④無幸必亡，言其國必亡無幸也。

今有聲於此，耳聽之必慊已。

若以味也

①聽之則使人聾，必弗聽，有色於此，目視之必

慊已，視之則使人盲，必弗視，有味於此，口食之必慊已，食之則使人瘖，②必弗食；

是故聖人之於聲色滋味也，利於性則取之，害於性則舍之，此全性之道也。世之

貴富者，其於聲色滋味也多惑者，日夜求幸而得之，則遁焉，③遁焉，性惡得不傷；

萬人操弓，共射〔其〕一招，④招無不中，萬物章章，⑤以害一生，生無不傷，以便一

生，生無不長。故聖人之制萬物也，以全其天也，天全則神和矣，目明矣，耳聰矣，鼻

臭⑥矣，口敏矣，三百六十節⑦皆通利矣；若此人者，不言而信，不謀而當，不慮而

得，精通乎天地，神覆乎宇宙，⑧其於物無不受也，無不裹也，若天地然，⑨上爲天

子而不驕，下爲匹夫而不愠，<sup>①</sup>此之謂全德之人。<sup>②</sup>

① 懷<sup>△</sup>普<sup>△</sup>法<sup>△</sup>（く一せ），快也。已語助詞。② 瘖<sup>△</sup>音<sup>△</sup>（一フ），口不能言也。③ 逋<sup>△</sup>流<sup>△</sup>逸<sup>△</sup>不能自禁也。

④ 招<sup>△</sup>準<sup>△</sup>的也。⑤ 章<sup>△</sup>章<sup>△</sup>明也。⑥ 臭<sup>△</sup>嗅<sup>△</sup>覺<sup>△</sup>靈也。⑦ 三<sup>△</sup>百<sup>△</sup>六<sup>△</sup>十<sup>△</sup>節<sup>△</sup>骨<sup>△</sup>節<sup>△</sup>之<sup>△</sup>數<sup>△</sup>。⑧ 宇<sup>△</sup>宙<sup>△</sup>區<sup>△</sup>域<sup>△</sup>之<sup>△</sup>內<sup>△</sup>。

⑨ 其德如天無不覆，如地無不載，故曰若天地然。⑩ 愠<sup>△</sup>讀<sup>△</sup>如<sup>△</sup>憂<sup>△</sup>悶<sup>△</sup>之<sup>△</sup>「悶」，義亦同。⑪ 其人不

升沈，德行皆無虧缺，故曰全德之人。

貴富而不知道，<sup>①</sup>適足以爲患，不如貧賤，貧賤之致物也難，<sup>②</sup>雖欲過之，奚由！出則以車，入則以輦，務以自佚，命之曰招歷之機；<sup>③</sup>肥肉厚酒，務以自彊，<sup>④</sup>命之曰爛腸之食；靡曼皓齒，<sup>⑤</sup>鄭衛之音，<sup>⑥</sup>務以自樂，命之曰伐性之斧；三患者，貴富之所致也。故古之人有不肖貴富者矣，<sup>⑦</sup>由重生故也；非夸以名也，爲其實也。<sup>⑧</sup>則此論之不可不察也。

① 不<sup>△</sup>知<sup>△</sup>道<sup>△</sup>不<sup>△</sup>知<sup>△</sup>持<sup>△</sup>盈<sup>△</sup>知<sup>△</sup>足<sup>△</sup>之<sup>△</sup>道<sup>△</sup>也。② 貧<sup>△</sup>賤<sup>△</sup>無<sup>△</sup>勢<sup>△</sup>，不<sup>△</sup>能<sup>△</sup>致<sup>△</sup>情<sup>△</sup>欲<sup>△</sup>之<sup>△</sup>物<sup>△</sup>，故<sup>△</sup>難<sup>△</sup>。③ 招<sup>△</sup>，致也；歷<sup>△</sup>，痿歷也；過佚則

血脈不流通，骨節不堅利，故爲招歷之機。④ 彊<sup>△</sup>，讀<sup>△</sup>上<sup>△</sup>聲<sup>△</sup>，強而食也，蓋酒醉肉飽，猶必食之，故曰強也。

⑤靡曼細理弱肌，美色也。皓齒潔白齊整之齒也。

⑥鄭國淫辟，男女私會，歌音蕩人心志，紂使樂

師作靡靡之樂，武王入商，樂師抱樂器自沈於濮水，後師消過焉，夜聞其音，以琴寫之，爲晉平公作之，師曠斥爲亡國之音，謂紂太師以此音自投濮水，此聲必得自濮水，濮，衛地，後因稱淫聲爲鄭衛之音。

⑦如許由巢父等。

⑧夸以一說，當作「以夸」，名輕富貴之虛名，實全生保性之實。



# 重己

錘<sup>①</sup>至巧也，人不愛錘之指，而愛己之指，有之利<sup>②</sup>故也，人不愛崑山之玉，  
江漢之珠<sup>③</sup>，而愛己之一蒼璧小瓊<sup>④</sup>，有之利故也，今吾生之爲我有而利我  
亦大矣！論其貴賤，爵爲天子，不足以比焉<sup>⑤</sup>，論其輕重，富有天下，不可以易之<sup>⑥</sup>，  
論其安危，一曙失之<sup>⑦</sup>，終身不復得，此三者，有道者之所慎也<sup>⑧</sup>，有慎之而反害  
之者，不達乎性命之情也，不達乎性命之情，慎之何益<sup>⑨</sup>？是師者之愛子也，不免  
乎枕之以糠<sup>⑩</sup>，是聾者之養嬰兒也，方雷而窺之於堂<sup>⑪</sup>，有殊<sup>⑫</sup>弗知慎者。夫弗  
知慎者，是死生存亡不可<sup>⑬</sup>，未始有別也；未始有別者，其所謂是，未嘗是，其所  
謂非，未嘗非，是其所謂非，非其所謂是，此之謂大惑。若此人者，天之所禍也，以此  
治身，必死必殃，以此治國，必殘必亡，夫死殃殘亡，非自至也，感召<sup>⑭</sup>之也，壽長

至，〔常〕當亦然。故有道者不察所召，而察其召之者，則其至不可禁矣。①此論不可不熟。②

①倬音垂（ㄔㄨㄟˋ），

堯舜時巧工，亦作「垂」。

②有之利有諸己者爲利便也。

③崑山崑崙山之

簡稱。玉之生於崑山者，燔以爐炭，三日夜而色澤不變。

④江漢長江與漢水。珠出於江漢者，黑夜生

光，夙稱美珠。

⑤蒼璧玉之一種，玉多而石少。珠之不圓者曰玃。

⑥天子雖貴，己雖賤，人仍重視己

貧賤之身也。

⑦雖有天下之富，不肯以己易之也。

⑧且明謂之曙；一曙失之言一旦失其生命。

⑨慎謂慎於以所賤易所貴，以所輕易所重，以所危易所安也。

⑩雖慎而不當，故曰何益。⑪師者

警師無目者。糠易盲目，枕之以糠，不利之也。

⑫嬰兒聞雷驚怖，聾者不聞，方雷猶抱兒窺之於堂，

使之益怖。

⑬殊絕也。

⑭可不可一說，下「可」衍，「不」讀如「否」。

⑮召致也。

⑯所召謂死

生存亡召之者謂所召之由在己。死生存亡之至，惟在於己，己之所行得其道，不求福而福自至，不得

其道，雖力求免禍而不得，故曰其至不可禁。

⑰熟與「執」通，思也。

使鳥獲①疾引牛尾，尾絕力勦②而牛不可行，逆也，使五尺豎子引其椽③

而牛恣所以之。④順也。世之人主貴人無賢不肖莫不欲長生久視。⑤而日逆其生。⑥欲之何益。凡生之長也順之也。使生不順者欲也。故聖人必先適。⑦欲室大則多陰。臺高則多陽。多陰則歷。⑧多陽則痿。⑨此陰陽不適之患也。是故先王不處大室。不爲高臺。味不衆珍。衣不燁。⑩熱燁熱則理塞。⑪理塞則氣不達。味衆珍則胃充。胃充則中大。⑫輓。⑬中大。⑭輓。⑮苑而氣不達。以此長生。⑯可得乎。昔先聖王之爲苑囿園池。⑰也。足以觀望勞形。⑱而已矣。其爲宮室臺榭。⑲也。足以辟。⑳燥溼而已矣。其爲輿馬衣裘也。足以逸身煖骸而已矣。其爲飲食醢醢。㉑也。足以適味充虛。㉒而已矣。其爲聲色音樂也。足以安性自娛而已矣。五者聖王之所養性也。非好儉而惡費也。節乎性。㉓也。

①烏獲古力士名。

②勳音丹（ㄉㄨㄢ ㄉㄨㄢ）盡也。

③椹音捐（ㄉㄨㄢ ㄉㄨㄢ）牛鼻上環也。

④恣任從之也。以

之使所往也。

⑤死爲瞑。視則不瞑矣。不瞑卽不死。故久視爲久不死之義。

⑥日逆其生謂縱欲無

度也。

⑦欲情欲。

⑧適調節之也。

⑨痿逆寒疾也。

⑩痿蹇不能行也。

⑪燁音丹（ㄉㄨㄢ ㄉㄨㄢ）煖



厚也。⑤理寒血熱鬱於肌理也。⑥中中氣菟音郁（「」）怫鬱也。⑦以此長生一作「以此求

長生」。⑧苑圍爲畜禽獸之所，苑大而圍小，圍以植林木池以畜魚鼈。⑨勞形言惟供遊觀，不沈

溺於此，勞其形而心志不惑也。⑩土方而高曰臺，有屋曰榭。⑪辟與「避」同；一作「備」。⑫醜音

移（「」），請酒也。醴甘濁之酒，麴少而米多也。⑬適味謂調和腥羶充虛卽充飢也。⑭節乎性謂

和適其性，不過度也。





# 貴公

昔先聖王之治天下也，必先公，公則天下平矣。平得於公，嘗試觀於上志，  
有得<sup>①</sup>天下者衆矣，其得之<sup>②</sup>以公，其失之必以偏。凡主之立也，生於公，故鴻範<sup>③</sup>  
<sup>④</sup>曰：『無偏無黨，王道蕩蕩；<sup>⑤</sup>無偏無頗，遵王之義；<sup>⑥</sup>無或作好，<sup>⑦</sup>遵王之道。無  
或作惡，<sup>⑧</sup>遵王之路。』天下非一人之天下也，天下之天下也。陰陽之和，不長一  
類，甘露時雨，不私一物，萬民之主，不阿一人。伯禽將行，<sup>⑨</sup>請所以治魯，周公曰：  
『利而勿利也！』<sup>⑩</sup>荆<sup>⑪</sup>人有遺<sup>⑫</sup>弓者，而不冝索，曰：『荆人遺之，荆人得之，又  
何索焉！』孔子聞之曰：『去其「荆」<sup>⑬</sup>而可矣！』老聃<sup>⑭</sup>聞之曰：『去其「人」<sup>⑮</sup>  
而可矣！』故老聃則至公矣，天地大矣，生而弗子，<sup>⑯</sup>成而弗有，<sup>⑰</sup>萬物皆被其澤，  
得其利，而莫知其所由始，<sup>⑱</sup>此三皇五帝<sup>⑲</sup>之德也。

○上志古記也。○一無得字。○「之」下一有「必」字。○鴻範書篇名，亦作洪範。○蕩蕩平易

也。○義法也，古音「俄」字與「頗」音協。○或有也好私好。○惡擅作威福也。○伯禽周公旦

之子，封於魯，將行將之國也。○利而勿利言務利民而勿以自利。○楚之國號，舊曰荆。○遺失

也。○去其荆言去「荆」字，祇曰「人遺之人得之」。○老聃姓李，名耳，字伯陽，外字聃，相傳母懷之

累歲而後生，故又稱老子，爲周守藏史，見周衰，乃西出函關隱去。○去其人意謂天下得之。○生

而弗子生育民人而不以爲己子也。○成而弗有成遂萬物而不以爲己所有也。○萬物被澤得

利，自以爲當然，故曰莫知其所由始。○三皇上古三名皇，其說不一：一謂天皇地皇人皇；一謂伏羲

神農女媧；一謂伏羲神農黃帝荒逸難稽。五帝上古五聖帝，其說亦不一：一謂伏羲神農黃帝少昊顓

頊；一謂黃帝顓頊帝嚳堯舜；一謂少昊顓頊帝嚳堯舜。

管仲○有病，桓公○往問之曰：「仲父○之病○矣，漬○甚，國人弗諱，○寡

人將誰屬○國？」管仲對曰：「昔者臣盡力竭智，猶未足以知之○也，今病在於

朝夕之中，臣奚能言！」桓公曰：「此大事也，願仲父之教○寡人也！」管仲敬諾，

曰：「公誰欲相？」公曰：「鮑叔牙可乎？」管仲對曰：「不可，夷吾善鮑叔牙，鮑叔牙之爲人也，清廉潔直，視不己若者，不比於人。①一聞人之過，終身不忘。②勿己，則隰朋③其可乎！隰朋之爲人也，上志而下求，④醜不若黃帝，⑤而哀不己若者，⑥其於國也，有不聞也，⑦其於物也，有不知也，⑧其於人也，有不見也，⑨勿己乎，則隰朋可也。」夫相，大官也，處大官者，不欲小察，⑩不欲小智，⑪故曰：大匠不斲，大庖不豆，⑫大勇不鬪，⑬大兵不寇，⑭桓公行公去私惡，用管子而爲五伯長，⑮行私阿所愛，用豎刀而蟲出於戶，⑯人之少也愚，其長也智，故智而用私，不若愚而用公，日醉而飾服，⑰私利而立公，貪戾而求王，舜弗能爲。

①管仲名夷吾，字仲，諡曰敬，故又稱敬仲，相齊桓公稱霸。②桓公名小白，春秋時霸主之首。③仲

爲管仲之字，父爲尊稱。④病困也；一作「疾病」，謂疾困也。⑤濟，音自（卍）；濟甚，猶病甚；一作

「如濟甚」。⑥弗諱言不能諱其死也。⑦屬託也。⑧未足以知之，未足以知人也。⑨教猶告

也。⑩鮑叔牙齊大夫，少與管仲相友善，知仲之才，薦於桓公而稱霸。⑪不比於人，不能教導之使

與人齊也。⑤聞人過而不忘，必不念人之功。⑥隰朋，齊公族大夫，其先封於隰陰，因以爲氏。⑦

上志，志上世賢人而模倣之。下求，猶下問也。⑧醜恥也；黃帝上古聖帝，言其能景仰古聖賢也。⑨

衰不己者，謂能調率之使與己齊也。⑩不聞，不求聞其善，志在利國而已。⑪物事也；於物有不

知，言非其職事，不求知之也。⑫於人有不見，言務在濟民，不求見之，所謂「非家至而見之也」。

語見孝經。⑬小察則苛其小節，略其大體。⑭小智則以知小事自炫其能矣。⑮大匠不斲，言大

匠但視模範，不自削斲。⑯豆，「剗」之假借字，裂也；大庖不豆，言大庖但調和五味，不親宰割也。⑰

大勇不鬪，言大勇不自鬪而自能服人也。⑱寇，害也；大兵不寇，謂舉兵以義者，不害於民也。⑲管

仲本事公子糾，糾與桓公皆出亡在外，齊亂，桓公自莒先入，糾自魯入，桓公以齊師禦之，仲射桓公，中

其帶鉤，及糾敗死，桓公用鮑叔言，赦仲罪，迎以爲相，卒爲五伯首，故曰行公去私，惡五伯。春秋時五霸

主，齊桓公、宋襄公、晉文公、秦穆公、楚莊王也。⑳刀，音韶，後人改爲「刁」；豎刀，宮內小臣名，刀者也，

自宮以近桓公，桓公嬖之，管仲隰朋卒，桓公信用豎刀，公卒，刀等爲亂，諸公子樹黨爭立，公尸在牀，莫

敢棺，凡六十七日，尸蟲出於戶。㉑飾，讀如飭，飭服，謂整喪紀，喪不飲酒食肉也。

盡數①

天生陰陽寒暑燥溼，四時之化，萬物之變，莫不爲利，莫不爲害，②聖人察陰陽之宜，辨萬物之利，以便生，故精神安乎形，③而年壽得長焉；長也者，非短而續之也，畢其數也。畢數之務，在乎去害，何謂去害？大甘大酸大苦大辛大鹹五者充形，則生害矣；大喜大怒大憂大恐大哀五者接神，則生害矣；大寒大熱大燥大溼大風大霖大霧七者動精，則生害矣；故凡養生莫若知本，④知本則疾無由至矣。

①盡數自盡其長久之壽數，不促而短之也。

②陰陽寒暑燥溼爲天之六氣，陰陽生寒暑燥溼，寒又

生燥，暑又生溼，四時之化萬物之變皆因之，人在氣交之中，適中則爲利，過節則爲害。③無所貪欲，

則精神與形體，相守而不離，故曰精神安乎形。④本謂不嗜利欲之善性。

精氣之集也，必有入也，①集於羽鳥，與爲飛揚，集於走獸，與爲流行，集於珠

玉，與爲精〔朗〕良，集於樹木，與爲茂長，集於聖人，與爲叟。明，精氣之來也，因輕而揚之，因走而行之。因美而良之，因長而養之，因智而明之。流水不腐，戶樞不蠹，動也，形氣亦然；形不動，則精不流，精不流，則氣鬱，鬱處頭，則爲腫爲風，處耳，則爲聾，處目，則爲矇，爲盲，處鼻，則爲鼽爲窒，處腹，則爲張爲疔，處足，則爲痿爲蹶。輕水所多禿與癭，人，重水所多尪與贅，人，甘水所多好，與美人，辛水所多疽與瘞，人，苦水所多尪與偃人。

①入內也，內與「納」同，必有入也，言必有所受之也。②叟，大也，遠也。③因，依也。④腐，積垢也。

⑤蠹，一作「蠹」，不蠹言不至朽腐如蠹蝕之臭也；又作「蠹」，不穴解。⑥流，疏達暢行也。⑦腫，筋脈壅阻作痛也。風眩暈病也。

⑧揭，音局（ㄐㄩˊ），執持也；一說，「矇」——音窳——之誤，耳病，卽今耳聾之屬。

⑨矇，音蔑（ㄇㄟˋ），目兩末傷赤也；一說，目不明也。⑩鼽，音求（ㄎㄨㄟˊ），鼻塞也。窒，之義同。

⑪張，腹滿如張弓也。疔，音疚（ㄉㄧㄣˋ），小腹疾，蓋癰疽之屬也。⑫痿，義皆見重己篇。⑬所，處也。

⑭癭，嬰也，咽疾也。⑮尪，音種（ㄔㄨㄥˋ），腫足也。贅，音碧（ㄉㄧˋ），足廢不能行也。⑯好，

美好。㊟瘵音搓（ㄉㄨㄟˇ）癰也。㊟疝音汪（ㄨㄤˋ）突胸仰向疾也。偃音迂（ㄩㄢˇ）曲背。

凡食，無彊厚味，無以烈味重酒，○是以謂之疾首；○食能以時，○身必無災。凡食之道，無飢無飽，是之謂五藏之葆；○口必甘味，○和精端容，○將之以神氣，○百節虞歡，○咸進受氣，○飲必小咽，端直無戾；今世上卜筮禱祠，故疾病愈來，譬之若射者，射而不中，反修於招，○何益於中！夫以湯止沸，沸愈不止，去其火，則止矣；故巫醫毒藥，逐除治之，故古之人賤之也，爲其末也。

○烈味味之富刺戟性者。重酒酒質之濃厚者。○疾首致疾之端也。○時謂有節制。○心肝脾

肺腎，舊稱五藏葆安也，謂所以安五藏也。○甘味言不論何味，皆以爲甘，所謂飢者甘食也。○和

精調攝精氣，端容猶正容，皆食頃不亂之狀。○將養也，言收束神氣於匕箸間，使不外散也。○虞

歡安和之義。○氣食物之精氣。○招見本生篇。



# 先己

湯問於伊尹曰：『欲取天下若何？』伊尹對曰：『欲取天下，天下不可取；可取，身將先取。』凡事之本，必先治身，齋其大寶，用其新，棄其陳，腠理遂通，精氣日新，邪氣盡去，及終其天年，此之謂真人。昔者先聖王成其身而天下成，治其身而天下治，故善響者不於響於聲，善影者不於影於形，爲天下者不於天下於身。詩曰：『淑人君子，其儀不忒，其儀不忒，正是四國。』言正諸身也。故反其道而身善矣，行義則人善矣，樂備君道而百官已治矣，萬民已利矣。三者之成也，在於無爲，無爲之道曰勝天，義曰利身，君曰勿身，勿身督聽，利身平靜，勝天順性，順性則聰明壽長，平靜則業進樂鄉，督聽則姦塞不皇。故上失其道，則邊侵於敵，內失其行，名聲墮於外，是故百仞之松，本



傷於下，而未槁於上，商周之國，<sup>①</sup>謀失於胸，<sup>②</sup>令困於彼，<sup>③</sup>故心<sup>④</sup>得而聽得，聽得而事得，事得而功名得，五帝<sup>⑤</sup>先道而後德，故德莫盛焉，三王先教而後殺，<sup>⑥</sup>故事<sup>⑦</sup>莫功<sup>⑧</sup>焉，五伯<sup>⑨</sup>先事而後兵，故兵莫彊焉。當今之世，巧謀竝行，詐術遞用，攻戰不休，亡國辱主，愈衆，所事者末也。

①伊尹湯之賢臣，佐湯滅夏以成王業者也。

②伊尹言天下本不可取，若其可取，必其身先有爲天

下可取之處。

③齋者，重視之意。大寶謂身也。

④用新樂陳吐故納新之意。腠理肌膚之隙，通不閉

塞也。

⑤終，古文作「夂」，因訛爲「及」。

⑥詩曹風鳴鳩章語。忒，差也。正長也。正是四國，謂可長四國，

當侯伯之任也。

⑦反其道，反求諸己也。

⑧人善，謂人善之。

⑨樂備，指人善。君道指反其道。⑩

天無爲而化，君能爲無而治，則民以爲勝天。

⑪能行義，則可利身。

⑫勿身務利民而勿自利也。

⑬督，正也。督聽不傾聽也。

⑭無爲而不欲，故能順性。

⑮樂鄉，樂向其化也。

⑯姦，姦邪閉塞也。

皇，同「惶」，惑也。不皇，不至惶惑也。

⑰七尺曰仞。

⑱本根也。

⑲商周之國，指其季世。

⑳胸內

也。

㉑彼外也。

㉒心謂己身也。

㉓五帝見貴公篇。

㉔三王夏禹商湯周武王也。

㉕先教而後殺，一

作「先德而後事」<sup>㉑</sup>事治也。<sup>㉒</sup>功善也。<sup>㉓</sup>夏伯夏昆吾商大彭豕韋周齊桓晉文也。

夏后伯啓<sup>㉔</sup>與有扈<sup>㉕</sup>戰於甘澤<sup>㉖</sup>而不勝，六卿請復之。<sup>㉗</sup>夏后伯啓曰：「不可，吾地不淺，<sup>㉘</sup>吾民不寡，戰而不勝，是吾德薄而教不善也。」於是乎處不重席，食不貳味，琴瑟不張，<sup>㉙</sup>鐘鼓不修，<sup>㉚</sup>子女不飭，<sup>㉛</sup>親親長長，尊賢使能，期年而有扈氏服。故欲勝人者，必先自勝，欲論人者，必先自論，欲知人者，必先自知。詩曰：「執轡如組」<sup>㉜</sup>。孔子曰：「審此言也，可以爲<sup>㉝</sup>天下。」子貢<sup>㉞</sup>曰：「何其躁也？」孔子曰：「非謂其躁也，謂其爲之於此而成文於彼也，聖人組修其身而成文於天下矣。」故子華子<sup>㉟</sup>曰：「丘陵成而穴者安矣，大水深淵成而魚鼈安矣，松柏成而塗之人已蔭矣。」

㉔后君也。伯啓亦作「啓」，禹之子。 ㉕有扈，夏同姓諸侯，今陝西郿縣。 ㉖甘澤，一作「甘」，有扈郊

地。 ㉗六卿，六軍之將，卽周禮之太宰、大司徒、大宗伯、大司馬、大司空，平時各任其職，戰時則

爲軍將。請復，請復戰也。 ㉘淺，褊淺也。 ㉙張，施弦也。 ㉚修，設也。 ㉛飭，與「飾」通，不飭，不文飾也。

①詩邶風簡兮章語。組，織組；執轡，如組言良御執轡，致之萬里，猶織者之成文於手，動於近，成於遠也。

②爲治也。

③子貢姓端木，名賜，孔子弟子。

④躁疾也。

⑤子華子古有道之士。

孔子見魯哀公，哀公曰：「有語寡人曰：『爲國家者，爲之堂上而已矣。』寡人以爲迂言也。」孔子曰：「此非迂言也，丘聞之：得之於身者得之人，失之於身者失之人，不出於門戶而天下治者，其惟知反於己身者乎！」

○哀公魯君名將。

審己

凡物之然也，必有故，而不知其故，雖當與不知同，其卒必困；先王名士達師  
○之所以過俗者，以其知也。水出於山，而走於海，水非惡山而欲海也，高下使之  
然也；稼生於野，而藏於倉，稼非有欲也，人皆以○之也，故子路揜雉而復釋之。○

子列子○常射中矣，請之於關尹子，○關尹子曰：『知子之所以中乎？』答曰：『弗  
知也。』關尹子曰：『未可。』○退而習之，三年又請，關尹子曰：『子知子之所以中  
乎？』子列子曰：『知之矣。』關尹子曰：『可矣，守而勿失。』○非獨射也，國之存  
也，國之亡也，身之賢也，身之不肖也，亦皆有以，○聖人不察存亡賢不肖，而察其  
所以也。

○達師，通師也。

○以用也。

○子路，孔子弟子，姓仲，名由，揜，襲取也。釋之者，以揜取所得，雖得，不知

所以取之，於己未審故也。

④子列子姓列，名禦寇，周末鄭人，有道之士也。

⑤請請問射之道也。關

尹子姓尹，名喜，字公度，爲函谷關令，自著書曰關尹子。

⑥言不知射所以中者，未可與語射也。

⑦

守而勿失者，令守求己不求人之道而勿失也。

⑧以所以然。

齊攻魯，求岑鼎。魯君載他鼎以往，齊侯弗信而反之，〔爲非〕使人告魯侯曰：『柳下季以爲是，請因受之。』魯君請於柳下季，柳下季答曰：『君之賂以〔欲〕岑鼎也，欲以免國也，臣亦有國。』於此，破臣之國，以免君之國，此臣之所難也。於是魯君乃以真岑鼎往也。且柳下季可謂此能說矣。非獨存己之國也，又能存魯君之國。

①岑鼎，鼎名；一作『讒鼎』，義爲疾讒之鼎；一說，讒通『嶄』，岑讒皆言其高也。

②反還也。

③柳下

季，姓展，名獲，又稱展禽，字季，居柳下，諡曰惠，以正直稱。

④國指信也。

⑤可謂此能說矣，一作『可

謂守信矣。』

齊湣王亡居於衛，晝日步足，謂公玉丹曰：『我已亡矣，而不知其故，吾

所以亡者，果何故哉？我當已。○公玉丹答曰：「臣以王爲已知之矣，王故尙未之知邪？王之所以亡也者，以賢也，天下之王皆不肖，而惡王之賢也，因相與合兵而攻王，此王之所以亡也。」潛王慨焉太息曰：「賢固若是其苦邪！」此亦不知其所以也。此公玉丹之所以過也。

○齊潛王即齊閔王，名地，一謂名遂，立四十年，燕合各國攻齊，兵深入，潛王遂亡，先之衛，後走鄒魯及莒，時楚將淖齒將兵救齊，相王遂殺之。○玉讀如「王」，音肅，玉王相沿混用。丹一作「冉」。○已止也，言我知其故，當止而不爲也。○過謂不忠也。

越王授○有子四人，越王之弟曰豫，欲盡殺之而爲之後，惡其三人而殺之矣，國人不說，大非上；又惡其一人而欲殺之，越王未之聽，其子恐必死，因國人之欲，逐豫，圍王宮，越王太息曰：「余不聽豫之言，以罹此難也！」亦不知所以亡也。

○授，越王勾踐之後。

# 精通

人或謂兔絲無根，兔絲非無根也，其根不屬也。①伏苓是。②慈石。③召鐵，或引之也；樹相近而④靡，或⑤射之也，聖人南面而立，以愛利民爲心，號令未出，而天下皆延頸舉踵矣，則精通乎民也。夫賊害於人，人亦然。⑥今夫攻者砥厲五兵，〔侈衣美食〕發且有日矣，所被攻者，侈衣美食不樂，⑦非或聞之也，神者先告也。身在乎秦，所親愛在於齊，死⑧而志氣不安，精或往來也。德也者，萬民之宰⑨也，月也者，羣陰之本也，月望則蚌蛤實，羣陰盈，月晦則蚌蛤虛，羣陰虧，夫月形乎天，而羣陰化乎淵，聖人行德乎己，而四荒咸飭乎仁。⑩

①兔絲又作「菟絲」，蔓草之一種。屬相連也。蓋兔絲初生有根，後乃纏絡於他植物上，根遂腐滅云。

②伏苓又作「茯苓」，藥名，菌類，生松林中，與兔絲爲二物，文以伏苓爲兔絲之根，非是一說，「伏



荅是」三字爲註，今訛入正文云。

①慈石，卽俗稱之吸鐵石。

②磨，磨切也。

③輞，音近「茸」，擠

也。

④賊害未及身，而人已相率去之，故曰人亦然。

⑤侈衣美食不樂，言攻者將發，被攻者雖侈衣

美食，亦忽覺不快也。

⑥死指所親愛者。

⑦宰主也。

⑧四荒，四表荒裔，言其遠也。飭正也。

養由基射先中石，①矢乃飲羽，②誠③乎光也。伯樂④學相馬，所見無非馬

者，⑤誠乎馬也。宋之庖丁⑥好解牛，所見無非〔死〕牛者，三年而不見〔生〕全牛，

⑦用刀十九年，刃若新，⑧順其理，⑨誠乎牛也。鍾子期⑩夜聞擊磬者而悲，

使人召而問之，曰：「子何擊磬之悲也？」答曰：「臣之父，不幸而殺人，不得生，臣

之母得生，而爲公家爲酒，⑪臣之身得生，而爲公家擊磬，臣不覩臣之母三年矣，

昔爲舍〔氏〕市，⑫覩臣之母，量⑬所以贖之，則無〔有〕財，而身⑭固公家之〔財〕

有也，是故悲也。」鍾子期歎嗟曰：「悲夫！悲夫！心非臂也，臂非椎⑮非石⑯也，悲

存乎心，而木石應之。」故君子誠乎此而論乎彼，感乎已而發乎人，豈必彊說⑰

乎哉！



○養由基養姓，由基名，春秋時楚之善射者。先「兕」之或體，野牛也；一作「虎」中石見石而以為兕也。

○飲羽飲矢至羽也。

○誠專心壹志之意。

○伯樂姓孫，名陽，秦穆公之臣，伯樂本天星名，掌

天馬，因陽善相馬，故稱伯樂。

○所見無非馬者，言其專心於馬，即見非馬之物，亦以為馬也。

○庖

丁，司庖廚者，一說，庖人丁姓也。

○雖見全牛，心中已如從何處支解，從何處開剝，故云不見全牛。

○磨，同「磨」，解牛極純熟，刃無挫折，故云若新磨研也。

○理牛之肌理。

○鍾子期，鍾姓，子通稱，

期名也，春秋時楚人，號為知音者。

○為酒執釀酒之役也。

○昔，昨日也。舍市，宿市中，傳舍也。

○

量度也。

○身謂己也。

○椎所以擊磬。

○石謂磬也，蓋磬以玉或石為之。

○豈必強說言不待

言而後喻也。

周有申喜者，亡其母，聞乞人歌於門下而悲之，動於顏色，謂門者：「內乞人之歌者！」自覺見而問焉，曰：「何故而乞？」與之語，蓋其母也。故父母之於子也，子之於父母也，一體而兩分，同氣而異息，若草莽之有華實也，若樹木之有根心也，雖異處而相通，隱志相及，痛疾相救，憂思相感，生則相歡，死則相哀，

此之謂骨肉之親。神出於忠，<sup>④</sup>而應乎心，兩精相得，豈待言哉！

①亡<sup>△</sup>失也。

②內與「納」同。

③兩分<sup>△</sup>一作「分形」。

④中心曰忠<sup>△</sup>。



## 節喪

審知生，聖人之要也，審知死，聖人之極也，知生也者，不以害生，養生之謂也，知死也者，不以害死，安死之謂也，此二者，聖人之所獨決也。凡生於天地之間，其必有死，所不免也，孝子之重其親也，慈親之愛其子也，痛於肌骨，性也，所重所愛，死而棄之溝壑，人之情不忍爲也，故有葬死之義。葬也者，藏也，慈親孝子之所慎也，慎之者，以生人之心慮也，以生人之心爲死者慮也，莫如無動，莫如無發，無發無動，莫如無有可利，則此之謂重閉也。古人之有藏於廣野，深山而安者矣，非珠玉國寶之謂也，葬不可不藏也。葬淺則狐狸扣之，深則及於水泉，故凡葬必於高陵之上，以避狐狸之患，水泉之濕，此則善矣，而忘姦邪盜賊寇亂之難，豈不惑哉！譬之若醫師之避柱也，避柱而疾觸杙也，（狐狸水泉）姦邪盜賊

寇亂之患，此杙之大者也，慈親孝子避之者，得葬之情矣。①

① 痛甚也；痛於肌膚言重之愛之，較己身為尤甚也。② 以生人之心慮以生人之心，代死者慮也。

③ 重閉，既閉而不復為人所動搖也。④ 廣野猶曠野。⑤ 非珠玉國寶之謂言非視為珠玉國寶而

必安之。⑥ 扣从手从曰，與「掘」同。⑦ 謂厚葬以致姦盜之難為惑也。⑧ 杙，短柱也。⑨ 得葬之

情，謂得所以葬之意。

善棺槨，所以避蠖蟻蛇蟲也，今世俗大亂之主，愈侈其葬，⑩ 則心非為乎死

者慮也，生者以相矜尚也，特尚侈靡者以為榮，儉節者以為陋，不以便死為故，⑪ 而徒

以生者之誹譽為務，此非慈親孝子之心也；父雖死，孝子之重之不息，子雖死，慈

親之愛之不懈，夫葬所愛所重，而以生者之所甚欲，⑫ 其以安之也，若之何哉！⑬

民之於利也，犯流矢，蹈白刃，涉血盪，⑭ 肝以求之，野人之無聞者，⑮ 忍親戚兄弟

知交以求利，今無此之危，無此之醜，⑯ 其為利甚厚，乘車食肉，澤及子孫，雖聖人

猶不能禁，而況於亂。⑰ 國彌大，家彌富，葬彌厚，含珠鱗施，⑱ 夫玩好貨寶，鍾鼎壺

濫，①舉②馬衣被戈劍，不可勝〔其〕數，諸養生之具，無不從者，題湊之室，③棺槨數襲，④積石積炭，⑤以環其外，姦人聞之，傳⑥以相告，上雖以嚴威重罪禁之，猶不可止，⑦且死者彌久，生者彌疏，生者彌疏，則守者彌怠，守者彌怠，而葬器如故，其勢固不安矣。

①侈其葬指棺中物也。

②故事也。

③以用也。生者之所甚欲，指以珠寶爲殉也。

④言如何使死

者安然免發掘之患也。

⑤鹽古「抽」字。

⑥野人之無聞者，不聞禮義之鄙人。

⑦醜恥也，言死者

非其親故，無足恥也。

⑧此句下一說當脫「國」字，一說疑有「世」字。

⑨含珠口含珠也。鱗施施玉

於死者之體如魚鱗也。

⑩濫音鑑（ㄐ一ㄢˋ）

陶器名，以盛冰。

⑪舉同「與」。

⑫木頭皆內向曰

題湊，題頭也，湊合也。室，櫛藏也。

⑬襲重也。

⑭積石以其堅不可入，積炭以其能禦溼，且使樹木之

根不穿進也。

⑮傳一作「轉」。

⑯不可止，不能止其發掘也。

世俗之行喪，載之以大輅，①羽旄，②旌旗如雲，僂僂以督之，③珠玉以備④之，⑤黼黻文章以飭⑥之，引紼⑦者左右萬人以行之，以軍制立之，⑧然後可以此

觀世，<sup>㉔</sup>則美矣侈矣，以此爲死，<sup>㉕</sup>則不可也；若便於死，則雖貧國勞民，<sup>㉖</sup>若慈親孝子者之所不辭爲也。

㉔ 輓，音椿（ㄔㄨㄣˇ），載柩之車。

㉕ 旆，音屬。

㉖ 嬰，音殺（ㄆㄧˋ）。

儻，音殺（ㄆㄧˋ）。

儻，音殺（ㄆㄧˋ）。

儻，音殺（ㄆㄧˋ）。

儻，音殺（ㄆㄧˋ）。

儻，音殺（ㄆㄧˋ）。

儻，音殺（ㄆㄧˋ）。

㉔ 備，充足之意。

㉕ 黼，黻文章繪繡之文也，仿與「飾」通。

㉖ 緋，引棺索。

儻，言如行軍之整肅。

儻，言如行軍之整肅。

觀世猶炫世也。

㉔ 死，死者。

㉕ 民，一作「身」。

# 安死

墳墓

世之爲丘壟也，其高大若山，其樹之若林，其設闕庭爲宮室，造賓阼<sup>①</sup>也，若都邑<sup>②</sup>，以此觀世示富，則可矣，以此爲死，則不可也。夫死，其視萬歲，猶一曠也<sup>③</sup>。人之壽，久之不過百，中壽不過六十，以百與六十爲無窮者之慮<sup>④</sup>，其情必不相當矣，以無窮爲死者之慮，則得之矣<sup>⑤</sup>。今有人於此，爲石銘，置之壟上，曰：『此其中之物，具珠玉玩好財物寶器甚多，不可不拍<sup>⑥</sup>。』拍之必大富，世世乘車食肉。』人必相與笑之，以爲大惑，世之厚葬也，有似於此。自古及今，未有不亡之國也，無不亡之國者，是無不拍之墓<sup>⑦</sup>也，以耳目所聞見，齊荆燕嘗亡矣，宋中山已亡矣，趙魏韓皆亡矣，其皆故國<sup>⑧</sup>矣，自此以上者，亡國不可勝數，是故大墓無不拍也，而世皆爭爲之，豈不悲哉！

○賓賓階，西階也。阼阼階，東階也。○若都邑，若爲都邑之制也。○臆與「瞬」同。死則久久無窮，故

雖萬歲，以死之時期視之，猶一瞬也。○人壽短，而所爲常計及萬古千年，一若終不死者，故曰爲無

窮者之慮。○死則時期無窮，故以無窮之道爲死者計則得之。○扣見節喪篇。○國已亡矣，掘

其墓又何所畏，故曰無不扣之墓。○故國已亡之國也。

君之不令民，○父之不孝子，兄之不悌弟，皆（鄉里之所釜馱者而逐之）憚  
耕稼采薪之勞，不肯官人事，○而祈美衣侈食之樂，智巧窮屈，○無以爲之，於是  
乎聚羣多之徒，以深山廣澤林藪，扑擊遏奪鄉里之所釜馱者，○而逐之，又視名  
丘大墓葬之厚者，求舍便居以微扣之，○日夜不休，必得所利，相與分之；夫有所  
愛所重，而令姦邪盜賊寇亂之人卒，○必辱之，此孝子忠臣親父交友之大事。堯  
葬於穀林，○通樹○之；舜葬於紀市，○不變其肆；○禹葬於會稽，○不變人徒；○  
是故先王以儉節葬死也，非愛其費，○也，非惡其勞也，以爲死者慮也。先王之所  
惡，惟死者之辱也，發則必辱，儉則不發，故先王之葬，必儉，必合，必同，何謂合？何謂



同葬於山林，則合乎山林，葬於阪隰，則同乎阪隰。此之謂愛人。夫愛人者衆，知愛人者寡。故宋未亡而東冢拍，齊未亡而莊公冢拍，國安寧而猶若此，又況百世之後而國已亡乎？故孝子忠臣親父交友，不可不察於此也。夫愛之而反危之，其此之謂乎？詩曰：「不敢暴虎，不敢馮河，人知其一，莫知其他。」此言不知「鄰」類也。故反以相非反以相是，其所非方其所是也，其所是方其所非也是，非未定而喜怒鬪爭反爲用矣。吾不非鬪不非爭而非所以鬪非所以爭，故凡鬪爭者是非已定之用也。今多不先定其是非而先疾鬪爭，此惑之大者也。

①不令民不良善之民也。②官管也。不肯官人事謂不治家人生產事業也。③窮極也。屈盡也。

④甌，與「鬲」同。釜甌皆炊器。所釜甌者以釜甌爲食之人。⑤求舍便居言僦屋墓之附近而居之。微

拍隱掘也，如穿隧以達墓所，藏空而外不覺是。⑥卒終也。⑦堯葬成陽，故城在今山東濮縣東南，

成陽山下有穀林。⑧通樹通林以爲樹也。⑨紀，卽「冀」。紀市冀之市，在今山西。⑩不變其肆

市肆無變遷，言不煩民也。①會稽山名，在今浙江紹興縣東南，禹墓在山麓。②變動也。不變人徒

言無所興造，民不擾也。③愛其費吝其財也。④阪與坂同，山坡也。限音習（ム），低下之地。合

山林同阪，限言不特加封識也。⑤人謂死人也。⑥知愛人者寡，言不能儉葬，致死者不安，雖愛之，

少有知愛之之道也。⑦東家者，宋文公之家也。冢在城東，故名。文公厚葬，冢被盜發。⑧莊公名購，

一作贖。——僖公之父，亦厚葬而冢被發者。⑨詩小雅小旻章語。無兵搏虎曰暴，虎無舟渡河

曰馮河，一非也。謂知小人之爲非，他指不畏慎小人之危殆，以喻慮不及遠，近而易見者，則知避之，喪

家亡國之隱禍，則不知憂也。⑩不知類言，不知推類而及也。⑪「故反以相非」段，一說爲審分覽

不二篇之文，誤脫於此，今從刪。

魯季孫有喪，①孔子往弔之，入門而左從客②也；主人以瓊璠收，③孔子徑

庭④而趨，歷級⑤而上，曰「以寶玉收，譬之猶暴骸中原也。」徑庭歷級，非禮也，

雖然，以救過也。

①季孫季桓子斯也。喪桓子父季平子意如之喪也。②左從客，左行從客位也。時桓子在喪位，故孔

子入門而左行。①璠，音煩（亡弓）；璠，寶玉名，魯君所佩。收斂也。魯昭公爲平子所逐，出亡於外，平子佩璠攝行君事，故死而喪主欲以爲斂也。②徑，庭向庭直行也。③歷，越級也。



# 異寶

古之人非無寶也，其所寶者異也。孫叔敖疾，將死，戒其子曰：『王數封我矣，吾不受也。』〔爲〕我死，王則封汝，必無受利地。〔楚越之間，有寢之〕丘者，此其地不利，而名甚惡。〔人畏鬼，而越人信讖〕，可長有者，其唯此也。孫叔敖死，王果以美地封其子，而子辭，〔其〕之丘。故至今不失。孫叔敖之知，知不以利爲利矣；知以人之所惡，爲己之所喜，此〔名〕者之所以異乎俗也。

○孫叔敖又稱蕩敖，楚

王。

○地人所貪利之地。

○地名寢丘，故曰惡。

○讖，祥也。

五員○亡荆○急

登太行○而望鄭曰：『蓋是國也，地險而民多知，其

主俗主也，不足與。』〔舉〕去鄭而之許，見許公而問所之，許公不應，東南嚮而唾，

○五員載○拜受賜曰：『知所之矣。』因如吳。過於荆，至江上，欲涉，見一丈人，○刺

⑧小船方將漁，從而請焉，丈人度之絕。⑨江，問其名族。⑩則不肯告，解其劍以予丈人，曰：「此千金之劍也，願獻之丈人。」丈人不肯受，曰：「刑國之法，得五員者，爵執圭；⑪祿萬櫓；⑫金千鎰；⑬昔者子胥過，吾猶不取，今我何以子之千金劍爲乎！」⑭五員（過）適於江上，則不能得也，每食必祭之，祝曰：「江上之丈人！天地至大矣，至矣，而無以爲，⑮爲矣，而無以爲之，⑯名不可得而聞，身不可見，惟江上之丈人乎！」

○五員，卽伍員，「五」與「伍」通，字子胥，父名奢，楚平王信讒而殺之，并其兄尚，員奔吳，佐吳王闔廬，與師伐楚，楚幾亡。○楚之國名始曰荆。○太行山名，連亘今河南山西直隸諸界內。○吳在許東

南，東南嚮而唾欲令往吳也。

⑪載與「再」通。

⑫丈人長老之稱。

⑬刺擗也。

⑭絕過也。

⑮族

氏族。○周禮，侯執信——讀如身，以人形爲飾。——圭，執圭言爵之爲侯也。

⑯櫓，與「櫓」通，音櫓

（勿弓），平聲，萬櫓，萬石也。

⑰二十兩爲一鎰。

⑱丈人明知爲子胥，故作此言以拒之也。

⑲將

奚不有爲也，而無以爲，言人皆有爲，彼獨無爲也。

⑳爲矣，而無以爲之，言雖有爲而仍無爲也。

宋之野人，耕而得玉，獻之司城子罕。子罕不受，野人請曰：「此野人之寶也，願相國爲之賜而受之也。」子罕曰：「子以玉爲寶，我以不受爲寶。」故宋國之長者曰：「子罕非無寶也，所寶者異也。」今以百金與搏黍以示兒子，兒子必取搏黍矣；以蘇氏之璧與百金以示鄙人，鄙人必取百金矣；以蘇氏之璧道德之至言以示賢者，賢者必取至言矣。其知彌精，其所取彌精；其知彌拙，其所取彌拙。

○司城官名，卽司空，宋武公名司城，故避改。子罕樂喜也，宋賢大夫。○搏黍，黍之搏成圓形者。兒子

小兒也。○蘇，卽「和」。楚有卞和，得璞玉——未彫治之玉——獻之楚厲王，玉人相之曰「石也。」

王以和爲誑，別其左足，武王立，復獻之，玉人又曰：「石也。」王又別其右足，文王卽位，和抱璞而哭於山下，三日三夜，淚盡，繼之以血，王乃使人理之，果得寶玉，因名曰和氏之璧。○物音粗（ㄅㄨㄣˇ）上

聲，轟疏也。

# 異用

萬物不<sup>⊖</sup>同，而用之於人異也。此治亂存亡死生之原。故國廣巨，兵彊富，未必安也。尊貴高大，未必顯也。在於用之，桀紂用其材而以成其亡，湯武用其材而以成其王。

<sup>⊖</sup>一說，據通篇文義，不字當衍。

湯見祝網者置<sup>⊖</sup>四面，其祝曰：「從天墜者，從地出者，從四方來者，皆離吾網！湯曰：『嘻！盡之矣！非桀其孰爲此也！』湯收<sup>⊖</sup>其三面，置其一面，更教祝曰：『昔蛛蝥作網罟<sup>⊖</sup>，今之人學紂<sup>⊖</sup>，欲左者左，欲右者右，欲高者高，欲下者下，吾取其犯命者。』漢南<sup>⊖</sup>之國聞之曰：『湯之德及禽獸矣！』四十國歸之。人置四面，未必得鳥，湯去其三面，置其一面，以網其四十國，非徒網鳥也。

①置設也。②收一作「放」一作「拔」。③螿音無（又）蛛螿卽蜘蛛也。罟亦網也。④紆一說疑

與「杼」通音字（出又）織具也。⑤漢南漢水之南。

周文王使人相池得死人之骸，更以聞於文王。文王曰：「更葬之！」吏曰：「此無主矣。」文王曰：「有天下者，天下之主也，有一國者，一國之主也，今我非其主也。」遂令吏以衣棺更葬之。天下聞之曰：「文王賢矣，澤及骸骨。」又况於人乎！或得寶以危其國，文王得朽骨以喻其意，故聖人於物也，無不材。

①相見節喪篇。②也與「邪」通。③髀音絃（又）有肉之骨曰髀。④無不材無不視為可用也。

孔子之弟子從遠方來者，孔子倚杖而問之曰：「子之公不有恙乎？」

搏杖而揖之，問曰：「子之父母不有恙乎？」置杖而問曰：「子之兄弟不有恙乎？」

杖步而倍之，問曰：「子之妻子不有恙乎？」故孔子以六尺之杖，論貴賤

之等，辨疏親之義，又况於以尊位厚祿乎。



①弟子一謂子貢。②荷以肩承之也。③公祖也。不有恙猶無恙。④搏音付（ㄉㄨˋ），與「扶」聲相近，義亦通。⑤杙步短步，行不及步也；一作「杖步」，謂拄杖一行倍同「背」，身在杖前也。

古之人貴能射也，以長幼養老也。今之人貴能射也，以攻戰侵奪也。其細者，以劫弱暴寡也，以過奪爲務也。仁人之得飴也，以養疾侍老也。跖與企足得飴，以開閉取榷也。

①古時行射，察其道藝，觀其德行，以明幼者之成長，射不中者飲間酒，酒以養老——射不中而飲，則此酒非養老之酒，故射者恥之，必求中以辭見養焉。——故曰長幼養老。②飴，糖之清者。③跖，盜

跖，春秋時魯展禽——見審己篇。——之弟，日殺不辜，聚黨數千人，橫行天下；一說，跖爲黃帝時大盜之名，以展禽弟爲天下大盜，故謂之盜跖云。④企足，莊躄也，楚莊王弟爲盜者；一說，莊王之裔，在威

王時爲將軍，將兵略巴蜀黔中以西，至於滇池，欲歸報，會秦擊奪楚黔中郡，道塞不通，因還，以其衆至滇，滇時始通中國。⑤榷音件（ㄐㄩㄢˋ），戶鑰也。以飴黏榷，則滑易無聲，開閉易取也。

當務

辨而不當論，信而不當理，勇而不當義，法而不當務，惑而乘驥也，狂而操吳干將也，大亂天下者，必此四者也。所貴辨者，爲其由所論也；所貴信者，爲其遵所理也；所貴勇者，爲其行義也；所貴法者，爲其當務也。

○吳人有干將者，作劍，其妻莫邪斷髮剪爪，自投鍾中，金鐵乃濡，遂成二劍，因名雄曰干將，雌曰莫邪。

跖之徒○問於跖曰：『盜有道乎？』跖曰：『奚啻其有道也，夫妄意關內，○

〔中藏〕聖也，入先，勇也，出後，義也，知時，○智也，分均，仁也，不通此五者，而能成大盜者，天下無有。』備說非六王五伯，○以爲堯有不慈之名，○舜有不孝之行，○

禹有淫湎之意，○湯武有放殺之事，○五伯有暴亂之謀，○世皆譽之，人皆諱○之，惑也，故死而操金椎以葬，曰：『下見六王五伯，將敲○其頭矣！』辨若此，不如

無辨。

○跖盜跖，見異用篇。徒跖之弟子也。○妄意關內，以意度人關閉之內藏多中也。○知時預知

如何可盜如何不可盜也。○備說非備言以誹議之也。六王堯舜禹湯文武也。五伯見貴公篇。○

堯不傳天下於子丹朱而禪舜，故曰有不慈之名。○堯妻舜二女，舜不告父母而娶，故曰有不孝之

行。○淫酒沈於酒也。禹甘旨酒而飲之，故曰有淫酒之意。○湯放桀，武王殺紂，皆以臣叛君，故曰

有放殺之事。○五伯爭國，骨肉相殘，以大兼小，故曰有暴亂之謀。○諱謂隱其過惡也。○敲音

確（く一己）擊頭也。

楚有直躬者，其父竊羊而謁之上，上執而將誅之，直躬者請代之，將誅矣，告吏曰：『父竊羊而謁之，不亦信乎！父誅而代之，不亦孝乎！信且孝而誅之，國將有不誅者乎！』荆王聞之，乃不誅也。孔子聞之曰：『異哉，直躬之爲信也！一父而載<sup>一也</sup>取名焉。』故直躬之信，不若無信。

○直躬以直道律身之人。○謁告也。上君也。○言信孝之人且被誅，國中尙有不誅者乎。○載

見異寶篇。

齊之好勇者，其一人居東郭，其一人居西郭，卒然相遇於塗，曰：「姑相飲乎？」觴數行，曰：「姑求肉乎？」一人曰：「子肉也，我肉也，尙胡革？」求肉而爲？於是具染而已，因抽刀而相啖，至死而止。勇若此，不若無勇。

○卒，同「猝」；卒然，倉猝間也。○革，更也。○染，鼓醬也。○啖，音淡（勿弓），食也。

紂之同母三人，其長曰微子啟，其次曰中衍，其次曰受德，受德乃紂也，甚少矣。紂母之生微子啟與中衍也，尙爲妾，已而爲妻而生紂，紂之父紂之母欲置微子啟以爲太子，太史據法而爭之曰：「有妻之子，而不可而置妾之子！」紂故爲後。用法若此，不若無法。

○微子啟，國號，子，爵，名——又以避漢景帝諱作開，蓋景帝亦名啓也。——生時，其母未正爲妃，故雖與紂同母而爲庶；一說，與紂異母，爲紂庶兄，同母之說不足據。○中衍，字仲思，名衍，又稱微仲。

一說，微仲衍爲微子之次子，嗣微子立爲宋公；又一說，疑有兩微仲，一第一子也。○一說，受德，猶言

紉之德，受爲名，德實非名云。

④置立也。

⑤不可而猶不可以。

新 信 力 濟



# 誠廉

石可破也，而不可奪堅，丹可磨也，而不可奪赤，性之有也，性也者，所受於天也，非擇取而爲之也；豪士之自好者，其不可漫，以汚也，亦猶此也。

○丹，丹砂也。磨，猶化也。

○漫，與「漫」同，塗也。

昔周之將興也，有士二人，處於孤竹，曰伯夷、叔齊，二人相謂曰：『吾聞西方有偏伯焉，似將有道者，今吾奚爲處乎此哉！』二子西行如周。至於岐陽，則文王已歿矣，武王卽位，觀周德，則王使叔旦就膠鬲於次四內，而與之盟曰：『加富三等，就官一列。』爲三書同辭，血之以牲，埋一於四內，皆以一歸；又使保召公就微子，開於共頭之下，而與之盟曰：『世爲長侯，守殷常祀，相奉桑林，宜私孟諸。』爲三書同辭，血之以牲，埋一於共頭之下，皆以一歸。伯

夷叔齊聞之，相視而笑曰：「譴異乎哉！此非吾所謂道也。昔者神農氏<sup>⑤</sup>之有天下也，時祀<sup>⑥</sup>盡敬而不祈福也，其於人也，忠信盡治而無求<sup>⑦</sup>焉，樂<sup>⑧</sup>正與爲正，樂治與爲治，不以人之壞自成也，不以人之庫<sup>⑨</sup>自高也，今周見殷之僻亂也，而遽爲之正與治，上謀而行貨<sup>⑩</sup>，阻<sup>⑪</sup>〔丘〕兵而保<sup>⑫</sup>威也，割牲而盟以爲信，因四內與共頭以明行，<sup>⑬</sup>揚夢以說衆，<sup>⑭</sup>殺伐以要利，以此紹<sup>⑮</sup>殷，是以亂易暴也。吾聞古之士遭乎治世，不避其任，<sup>⑯</sup>遭乎亂世，不爲苟在，<sup>⑰</sup>今天下闇，周德衰矣，與其竝<sup>⑱</sup>乎周以漫<sup>⑲</sup>吾身也，不若避之以潔吾行。」二子北行至首陽之下而餓焉。<sup>⑳</sup>人之情，莫不有重，莫不有輕，有所重，則欲全之，有所輕，則以養所重，伯夷叔齊此二士者，皆出身棄生<sup>㉑</sup>，以立其意，輕重<sup>㉒</sup>先定也。

① 孤竹，殷時諸侯國，姓墨胎，在遼西。

② 伯夷，字公信，孤竹君長子，叔齊字公允，孤竹君少子，孤竹君

愛叔齊，遺命立之，叔齊讓伯夷，伯夷不受而逃，叔齊亦不立，相從而去，國人立其仲子。③ 偏，伯，偏於

一方之新者。

④ 岐陽，地名，謂岐山之陽，今陝西岐山縣。

⑤ 叔旦，周公旦，武王之弟也，膠鬲商之賢

臣。四內地名。次旅次，四內之次也。⑥三等三等之封土，即公侯地方百里，伯七十里，子男五十里也。

⑦一列同於公侯伯子男五等之列爵也。⑧保，太保也。召公名奭，周之支族，故亦姬姓，食邑於召。

故謂之召公，封國於燕。微子開，見當務篇，共讀如「恭」，共頭即共首，山名也。⑨世爲長侯，世爲諸侯

之長也。⑩相使也。桑林，湯樂舞名。⑪私，私邑。孟諸，澤名，在今河南商邱縣東北，昔屬於宋。⑫膠

高微子，皆爲賢人，不當有私與周盟之事，文未足據。⑬神農氏，上古帝號。⑭時祀，四時祭祀也。

⑮無求，無求於人也。⑯樂，讀如「洛」。⑰庫音卑（ㄅㄨㄟ），下也。⑱上，尚也。上謀，謂尙詐謀。行

貨行賄，謂與人私盟事。⑲阻，待也。⑳保，亦待也。㉑明行，以明將有翦商之舉也。㉒文王妃太

姬夢見商庭產棘，武王發取周庭之梓，樹於闕間，化爲松柏檟柞，寤而以告文王，文王曰：「召發於明

堂，拜吉夢，受商之大命於皇天上帝。」說衆告之國中人民也。㉓紹，續也。㉔任職也。不避其任，言

職之所在，雖艱鉅而不辭也。㉕苟，在懸位之意；一說，「在」疑「仕」之誤。㉖竝，一說，疑「立」之誤。

⑳漫汗也。㉗首陽山名，在今山西永濟縣南，伯夷叔齊餓死於此。㉘出身，謂輕身去國。棄生，謂餓

死首陽。㉙輕輕身，重重名。



# 謹聽

昔者禹一沐而三捉髮，一食而三起，以禮有道之士，○通○乎之已不足也；通乎己之不足，則不與物爭矣，愉易平靜以待之，使夫自得之，○因然而然之，使夫自言之，○亡國之主反此，乃自賢而少人，少人則說者持容而不極，○聽者自多而不得，雖有天下，何益焉！是乃冥之昭，亂之定，毀之成，危之寧，○故殷周以亡，比干以死，○諄而不足以舉，○故人主之性，莫過○乎所疑，而過於其所不疑，○不過乎所不知，而過於其所以知，○故雖不疑，雖已知，必察之以法，揆之以量，○驗之以數，○若此，則是非無所失，而舉措無所過矣。夫堯惡得賢天下，○而試○舜，舜惡得賢天下而試禹，斷之於耳而已矣，耳之可以斷也，反性命之情也，○今夫惑者，非知反性命之情，其次非知觀於五帝三王之所以成也，○則奚自知其世之不可也，奚自知其身之不逮○也。太上知之，其次知其不知，不知則問，不能

則學，周箴曰：「夫自念斯，學德未暮。」<sup>①</sup> 學賢問，<sup>②</sup> 三代之所以昌也，不知而自以爲知，百禍之宗也。

①吐握待士，或以爲周公之事；一說，此形容語，本無其事云。 ②通痛之借字，疾也。 ③愉和也。易坦

率也。夫指有道之士；下同。自得，謂使從容考慮以得之，不事逼迫，致所謀有失也。 ④因然而然，因其

以爲然而然之也。自言得盡其所欲言也。 ⑤持守也。容量也。極盡也。盡其言也。 ⑥以冥爲昭，以亂

爲定，以毀爲成，以危爲寧也。 ⑦比干紂諸父，直言諫紂，紂怒，殺而剖視其心。 ⑧諄與「悛」同，逆也，

言殷周不當亡，比干不當死也。不足，以舉猶不可勝舉也。 ⑨莫不也。過失也。 ⑩不疑信之深也。

⑪知自以爲知也。 ⑫量度量。 ⑬數術數。 ⑭賢天下賢於天下也。 ⑮試用也。 ⑯反性命之情

反諸與物無爭之本性也。 ⑰五帝見貴公籙。三王見先己篇成成其治也。 ⑱逮及也。 ⑲周箴周

代之箴言。 ⑳夫苟也。自念猶自訟暮晚也。 ㉑學賢問學於賢人而好問也。

故見賢者而不聳，<sup>①</sup> 則不惕，<sup>②</sup> 於心不惕於心，則知之不深，不深知賢者之所言，<sup>③</sup> 名不徒立，功不自成，國不虛存，必有賢者，賢者之道，<sup>④</sup> 而難知，妙而難見，

不祥莫大焉。主賢世治，則賢者在上，主不肖世亂，則賢者在下，今周室既滅，而天子已絕，<sup>④</sup>亂莫大於無天子，無天子，則彊者勝弱，衆者暴寡，以兵相殘，不得休息，今之世當之矣；故當今之世，求有道之士，則於四海之內，<sup>⑤</sup>山谷之中，僻遠幽閒之所，若此，則幸於得之矣；得之，則何欲而不得，何爲而不成，太公釣於〔滋〕，茲泉，遭紂之世也，故文王得之而王，<sup>⑥</sup>文王，千乘也，紂，天子也，天子失之，而千乘得之，知之與不知也。諸衆齊民，<sup>⑦</sup>不待知而使，不待禮而令，若夫有道之士，必禮必知，然後其智能可盡，解在乎勝書之說周公，<sup>⑧</sup>可謂能聽矣，齊桓公之見小臣稷，魏文侯之見田子方，段干木也，<sup>⑨</sup>皆可謂能禮士矣。

① 車大也。

② 敬也。

③ 懼也。

④ 秦滅西周，凡三十六年而始，始皇始爲帝，文謂西周亡，始皇未

帝時也。⑤ 內一作「上」。

⑥ 太公，姓姜，名尚，其先封於呂，子孫從其封姓，故又稱呂尚，年老窮困，釣

於茲泉，——水名，漂積自成淵渚，出今陝西寶雞縣東南之磻溪中，今人謂之凡谷。——文王出獵，遇

之，與語，大悅，曰：「吾先君太公曰：『當有聖人適周，周以興。』子真是耶？吾太公望子久矣！」因號其

太公望載與俱歸，立爲師。

④衆非一，故曰諸衆齊民凡民也。

⑧勝書說周公見後精論篇。

⑨齊

桓公欲見小臣稷，一日三往而不得見，從者止公，公不聽，卒見之而止。魏文侯戰國時諸侯，名斯。段干

木<sup>今</sup>段干姓，木名，魏人，守道不仕。文侯見木，立倦而不敢息，反見翟璜，踞而與言，璜不悅，文侯曰：「段干

木官之則不肯，祿之則不受，今汝欲官則相位，欲祿則上卿，既受吾實，無責吾禮，不亦難乎！」二事皆

見慎大覽下賢篇，其文未遺。

# 首時①

聖人之於事，似緩而急，似遲而速，以待時。王季歷困而死，文王苦之，②有不忘姜里之醜，③時未可也；④武王事⑤之，夙夜不懈，亦不忘王門之辱，⑥立十二年而成甲子之事；⑦時固不易得。太公望，東夷之士也，⑧欲定一世而無其主，聞文王賢，故釣於渭以觀之。⑨伍子胥欲見吳王而不得，⑩客有言之於王子光⑪者，見之而惡其貌，不聽其說而辭之，客請之王子光，王子光曰：「其貌適⑫吾所甚惡也。」客以聞伍子胥，伍子胥曰：「此易故⑬也，願令王子居於堂上，重帷而見其衣若手，⑭請因說之！」王子許。⑮伍子胥說之半，王子光舉帷搏其手⑯而與之坐；說畢，王子光大說。伍子胥以爲有吳國者，必王子光也，退而耕於野。七年，王子光代吳王僚爲王，⑰任子胥，子胥乃修法制，下賢良，選練士，習戰鬪，六年，然

後大勝楚于柏舉，<sup>①</sup>九戰九勝，追北<sup>②</sup>千里，昭王出奔隨，<sup>③</sup>遂有郢，<sup>④</sup>親射王宮，鞭荆平之墳三百。<sup>⑤</sup>鄉之耕，非忘其父之讎也，待時也。

○首時，一作皆時。

○王季，歷文王之父，勤勞國事而歿，未見尊顯，故文王哀思而苦痛之。

○有與

【又】通姜，晉西（一又）；姜里，古地名，今河南湯陰縣有郟城，或謂卽其地，紂忌文王，囚之於此。醜見

節喪篇。

④時未可謂其時，紂尚未可伐也。

⑤事，事紂也。

⑥王，讀如「玉」，王門以玉飾門，文王

自姜里釋歸，作王門，示不與紂異，武王以爲辱。⑦武王嗣位十二年，於甲子之日，與紂戰於牧野，紂

兵潰自焚而商亡。

⑧太公望，見謹聽篇。太公，東海上人，故曰東夷之士。

⑨太公釣於茲泉，——見

謹聽篇。

——泉水北流十二里，注於渭，故曰釣於渭。渭水源自甘肅，流入陝西境，合諸水東至潼關入

黃河，觀文王之德也。

⑩伍子胥亡楚至吳，——見異寶篇。

——時吳王壽夢三子夷昧子僚在位，

——一說，壽夢庶子。——子胥欲見之，不得；一說，子胥見僚，說以伐楚，王子光欲襲僚而已爲王，從旁

阻之，子胥知其有異志，乃改事光焉。⑪王子光，王子名光也，吳王壽夢長子諸樊子；一說，夷昧子。

⑫適猶「是」也。

⑬故事也。

⑭王子光之衣若手也。

⑮許許諾也。

⑯搏其手，索持子胥之手也。

①是爲吳王闔閭。

②柏舉，楚南郢邑，今湖北麻城縣東北有柏子山，縣東有舉水，柏舉之名，蓋合

山水而得之。吳敗楚柏舉，事在魯定公四年。

③敗走曰北。

④昭王，楚平王子，名珍，時平王已死，昭

王在位。隨，國名，姬姓，今湖北隨縣。

⑤郢，楚都，故城在今湖北江陵縣東北三里，平王所居；又有一郢，

則爲今江陵縣北十里之紀南城，楚文王所都也。

⑥平王名棄疾，後改名熊居，曾殺子胥父兄，

見異寶篇注。——故子胥借吳師伐楚以報仇，及至楚，平王已死，遂射其宮而鞭其墳。

墨者有田鳩，①欲見秦惠王，②留秦三年而弗得見，客有言之於楚王者，往

見楚王，楚王說之，與將軍之節以如秦，至，因見惠王，告人曰：『之秦之道，乃之楚

乎！』固有近之而遠，遠之而近者，③時亦然，有湯武之賢，而無桀紂之時，不成，有

桀紂之時，而無湯武之賢，亦不成，聖④人之〔見〕舉⑤時，若步之與影不可離，故

有道之士未遇時，隱匿分竄，勤以待時，時至，有從布衣而爲天子者，⑥有從千乘

而得天下者，⑦有從卑賤而佐三王者，⑧有從匹夫而報萬乘者，⑨故聖人之所

貴唯時也。



○墨者學墨翟之術者，其術以兼愛尚同爲主。田鳩齊人。○秦惠王名驪，孝公子。○欲見秦王，留

秦三年而不得見，近之而遠也。從楚來至，卽得見，遠之而近也。○聖一說，疑衍文，謂呂意泛言人云。

⑤ 舉古「得」字，形近訛爲「見」。⑥ 如舜。⑦ 如湯武。⑧ 如太公伊尹傳說等。三王三代之王者。

⑨ 或謂指豫讓爲智伯報趙襄子事，似未當。

水凍方固，后稷不種，后稷之種必待春，故人雖智而不遇時，無功。方葉之茂美，終日采之而不知，秋霜既下，衆林皆羸。○事之難易，不在小大，務在知時。鄭子陽之難，獬狗潰之。○齊高國之難，失牛潰之。○衆因之以殺子陽，高國當其時，狗牛猶可以爲人唱，而況乎以人爲唱乎！飢馬盈廄，嘆然未見芻也，飢狗盈窖，嘆然未見骨也，見骨與芻，動不可禁；亂世之民，嘆然未見賢者也，見賢人，則往不可止，往者非其形，心之謂乎。齊以東帝困於天下，而魯取徐州。○邯鄲以壽陵困於萬民，而衛取齒氏。○以魯衛之細，而皆得志於大國，遇其時也。故賢主秀士之欲憂黔首者，亂世當之矣。天不再與，時不久留，能不兩工，事在當之。



○后稷，本官名，爲農官，周始祖棄，在堯舜時掌農事，因稱棄爲后稷。

○羸葉黃盡也。葉方茂美，雖終

日采之，而不覺其少，以其正在生長，采得其時也。霜下葉盡，雖欲采而不得，非其時也。

○子陽，戰國

時鄭相，駟氏之後；一說，鄭君，獬音制（出）獬狗，狂狗也。潰敗也。子陽爲政剛猛，罰無赦，有過而折弓

者，畏誅，因獬狗之驚而殺子陽。

○高高張國，國夏，皆齊大夫。失「佚」之借字。失牛，奔佚之牛也。高國

受景公遺命，共立其少子荼，大夫田乞作亂，以兵攻殺高張，國夏奔莒，文言因失牛而敗，事未詳。

○

嘆，音莫（「之」）嘆然靜貌。

○宮，一作「宮」。

○齊湣王三十六年爲東帝，秦昭王爲西帝，後皆去

之。困於天下，言天下皆不願從也。徐州，古九州之一，在周時，今山東安徽江蘇皆有地屬之。三國，魏、徒

治彭城，其後遂以此爲徐州，魯所略取，殆古徐州之一部分。魯以齊帝被困而取徐州，事未詳。

○郟

，謂趙也。趙都於此，今爲縣，屬直隸大名道。壽陵，一說，魏邑，趙兼有之，萬民不附，故被困，然壽陵未詳

何地，按趙肅侯十五年，曾起壽陵，是壽陵乃陵寢之名，疑趙以起陵寢擾民，故民不附也。藺氏地名，衛

乘趙困取藺氏，事未詳。○黔首，謂民也，以其首黑，故稱之；一說，民以黑巾覆首，故謂之黔首。

# 權勳

利不可兩，忠不可兼，不去小利，則大利不得，不去小忠，則大忠不至，故小利，大利之殘也，小忠，大忠之賊也，聖人去小取大。

○殘<sub>今</sub>害也。

昔荆 龔王與晉 厲公戰於鄢陵，荆師敗，龔王傷。○臨戰，司馬 子反渴而求飲，豎陽穀操黍酒而進之，子反叱曰：「訾！退酒也。」豎陽穀對曰：「非酒也。」子反曰：「亟退！卻酒也。」豎陽穀又曰：「非酒也。」子反受而飲之，子反之爲人也，嗜酒，甘而不能絕於口，以醉戰，既罷，龔王欲復戰而謀，使 召 司馬 子反，子反辭以心疾，龔王駕而往視之，入幄中，聞酒臭而還，曰：「今日之戰，不穀親傷，所恃者司馬也，而司馬又若此，是忘荆國之社稷，而不恤吾衆也，不

穀無與<sup>①</sup>復戰矣！於是罷師去之，斬司馬子反以爲戮。故豎陽穀之進酒也，非以醉<sup>②</sup>子反也，其心以忠也，而適足以殺之，故曰小忠大忠之賊也。

○荆襲王楚共王也，名審，莊王之子。晉厲公，名壽曼，鄆陵春秋時鄆地，今爲縣，屬河南開封道。○戰

時，晉大夫呂錡射共王中目，故傷。○司馬官名，掌軍旅之事。子反楚之王族，名側。○豎，童僕之稱。

陽穀，一作「穀陽」，豎名也。○黍酒酒之釀黍而成者。○昔與「皆」同，皆音紫，苛也。——苛，與

「呵」同。○謀欲謀於人也。○帷帳也。○諸侯自稱曰不穀。○恤願恤。○與以也。○醉，一

作「讎」，又作「禍」。

昔者晉獻公使荀息假道於虞以伐虢，荀息曰：「請以垂棘之璧與屈產之乘，以賂虞公，而求假道焉，必可得也。」獻公曰：「夫垂棘之璧，吾先君之寶也，屈產之乘，寡人之駿也，若受吾幣而不吾假道，將奈何？」荀息曰：「不然，彼若不吾假道，必不吾受也，若受我而假我道，是猶取之內府而藏之外府也。」猶取之內阜<sup>④</sup>而著之外阜也，君奚患焉！獻公許之，乃使荀息以屈產之乘爲庭

實，而加以垂棘之璧，以假道於虞而伐虢，虞公濫於寶與馬而欲許之，宮之奇諫曰：「不可許也，虞之與虢也，若車之有輔也，車依輔，輔亦依車，虞虢之勢是也，先人有言曰：『唇竭而齒寒。』夫虢之不亡也，恃虞，虞之不亡也，亦恃虢也，若假之道，則虢朝亡而虞夕從之矣，奈何其假之道也！」虞公弗聽而假之道，荀息伐虢，克之，還反伐虞，又克之，荀息操璧牽馬而報，獻公喜曰：「璧則猶是也，馬齒亦薄長矣！」故曰：小利，大利之殘也。

○晉獻公名詭諸，文公之父也。荀息，晉大夫。虞國名，今山西平陸縣之虞城。周武王所以封太王子仲雍之後，又稱西虞。虢國名，王季歷子虢仲之後，在今山西平陸縣。

○垂棘，本古地名，以其產美璧，遂

以爲璧名。○屈產之乘，屈邑所產之良馬；一以屈產爲地名。○內府，府庫之在內者，所以藏貨賄

也。外府，對內府而言。○卓，擗也。○以貢獻之物陳列於庭爲庭實也。○濫，貪之意。○宮之奇

宮姓，之奇名，虞大夫，以諫不聽，盡族去。○車牙也，輔頰也，喻其近而相附也。○竭，亡也；一說，字

或作「揭」，揭，反也，竭疑揭之訛。

中山之國有瓜絲者，<sup>①</sup>智伯欲攻之而無道也，<sup>②</sup>爲鑄大鐘，方車二軌，<sup>③</sup>以遺之，瓜絲之君將斬，<sup>④</sup>岸堙谿，<sup>⑤</sup>以迎鐘，赤章蔓枝，<sup>⑥</sup>諫曰：「詩云：『唯則定國。』」<sup>⑦</sup>我胡以得是於智伯！夫智伯之爲人也，貪而無信，必欲攻我而無道也，故爲大鐘，方車二軌以遺君，君因斬，<sup>⑧</sup>岸堙谿以迎鐘，師必隨之，<sup>⑨</sup>弗聽，有<sup>⑩</sup>〔頃〕諫之，君曰：「大國爲懼，而子逆之，不祥，子釋之！」<sup>⑪</sup>赤章蔓枝曰：「爲人臣不忠貞，罪也，忠貞不用，遠身可也。」<sup>⑫</sup>斷轂<sup>⑬</sup>而行，至衛七日<sup>⑭</sup>而瓜絲亡，欲鐘之心勝也，欲鐘之心勝，則安瓜絲之說塞<sup>⑮</sup>矣；凡聽說所勝不可不審也，故太上先<sup>⑯</sup>勝。

①中山今直隸定縣地。瓜絲音裴（く一又）由（一又）國近於晉；一作「仇由」；又作「公由」或「仇猶」。②智伯晉大夫荀瑤也。道由也。③車兩輪間相距之度曰軌。方車二軌，兩車相並而行也。④斬音暫（下弓），小鑿也。堙音因（一）フ，塞也。⑤赤章蔓枝，赤章姓，蔓枝名，瓜絲之臣也。⑥逸詩語。言身有則者乃能定國也。⑦有見首時篇。⑧釋之置之也。⑨轂車輪中心之圓木。山中道狹，故斷轂而去也。⑩至衛七日，一作「九日」；又作「至齊七月」。⑪塞不行也。⑫先上也。

昌國君將五國之兵以攻齊，齊使觸子將以迎天下之兵於濟上。齊王欲戰，使人赴觸子，恥而訾之。曰：「不戰，必割若類，掘若壘。」觸子苦之，欲齊軍之敗，於是以天下兵戰，戰合，擊金而卻之。卒北，天下兵乘之，觸子因以一乘去，莫知其所，不聞其聲。達子又帥其餘卒，以軍於秦周，無以賞，使人請金於齊王，齊王怒曰：「若殘豎子之類，惡能給若金！」與燕人戰，大敗，達子死，齊王走莒，燕人遂北入國，相與爭金於美唐，甚多。此貪於小利以失大利者也。

○燕昭王禮賢下士，得樂毅，以爲亞卿，旋拜上將軍，以克齊功，封昌國，號爲昌國君。今山東淄川縣有

昌國故城，卽樂毅封地也。五國，秦、楚、韓、魏、趙也。○觸子，齊將，一作「向子」。濟上，濟水之上也。○

齊王，齊閔王也。赴，觸子至觸子處也。○恥而訾之，毀辱之也。○割，音鐘（イマ），削減也。若，汝也。

壘，冢也。言不戰則削減汝種類，掘汝先人之冢也。○戰法，聞金則退，擊金而卻之，擊金使退也。○

卒北，兵敗走也。○帥通「率」。秦周，齊城門名。○猶言汝殘餘豎子之類。○美唐，齊閔王藏金

之地。

# 貴因

三代所寶莫如因，因則無敵。禹通三江五湖，○決伊闕，○溝迴陸，○注之東海，因水之力也。舜一徙成邑，再徙成國，○而堯授之禪位，因人之心也。湯武以千乘制夏商，因民之欲也。如秦者立而至，有車也，○適越者坐而至，有舟也，秦越遠塗也，○立安坐而至者，因其械也。

○三江，松江、婁江、東江也，皆太湖之支流，松江下七十里分流，東北入海者爲婁江，東南流者爲東江。五湖，太湖之別名；一說，非一湖，且不在一地，太湖爲其一。○伊闕，塞名，在河南洛陽縣南，大禹疏以通水，兩山相對，望之如闕，伊水歷其間北流，故名。○迴，通也。溝，迴猶溝通陸地也。○邑，方二里，都方二十二里，國千乘之國也。○古者車皆立乘，故曰立而至。○淸音淨（ㄑ一ㄥ），正也。

武王使人候殷，反報岐周，○曰：『殷其亂矣。』武王曰：『其亂焉至？』○對



曰：「讒慝勝良。」④武王曰：「尙未也。」又復往，反報曰：「其亂加矣。」武王曰：「焉至？」對曰：「賢者出走矣。」⑤武王曰：「尙未也。」又往，反報曰：「其亂甚矣。」武王曰：「焉至？」對曰：「百姓不敢誹怨矣。」⑥武王曰：「嘻！」遽告太公，太公對曰：「讒慝勝良命曰戮，賢者出走命曰崩，百姓不敢誹怨命曰刑勝，其亂至矣，不可以駕⑦矣！」故選車三百，虎賁⑧三千，〔朝〕要期甲子之期而紂爲禽。⑨則武王固知其無與爲敵也，因其所用，⑩何敵之有矣！

①候視也。

②岐周，卽周也，周初國於岐山，故稱。

③焉至，至若何之度也。

④謂小人道長君子道

消也。

⑤謂賢者皆去商他往也。

⑥謂百姓皆畏紂之刑虐，不敢出言也。

⑦駕加也。

⑧虎賁，勇

士也，謂乘兵車之甲士。

⑨與諸侯要期甲子之日會兵，而紂遂以是日敗亡也。

⑩用由也。

武王至鮪水，①殷使膠鬲②候周師，武王見之，膠鬲曰：「西伯③將何之？無欺我也！」武王曰：「不子欺，將之殷也。」膠鬲曰：「竭至？」④武王曰：「將以甲子至殷郊，子以是報矣！」膠鬲行，天雨，日夜不休，武王疾行不輟，軍師皆諫曰：「卒



病，請休之！武王曰：『吾已令膠鬲以甲子之期報其主矣，今甲子不至，是令膠鬲不信也，膠鬲不信也，其主必殺之，吾疾行以救膠鬲之死也。』武王果以甲子至殷郊，殷已先陳矣，至，殷因戰，大克之。此武王之義也。人爲人之所欲，已爲人之所惡，<sup>⑤</sup>先陳何益！適令武王不耕而穫。<sup>⑥</sup>

○河南河洛道有鞏縣，縣北有山臨河，其下有穴，謂之鞏穴，直穴有渚，謂之鮪渚，河自鮪穴已上，又兼

『鮪』稱，武王所至之鮪水卽此。

○膠鬲見誠廉篇。

○西伯西方諸侯之長，周自文王始稱西伯。

④ 竭音掣（く一せ），何也。竭至言以何日至殷也。

⑤ 第一「人」謂武王已謂紂。

⑥ 不耕而穫

言不戰而克也。

武王入殷，聞殷有長者，武王往見之。而問殷之所以亡，殷長者對曰：『王欲知之，則請以日中爲期！』武王與周公旦明日早要期，則弗得也。武王怪之，周公曰：『吾已知之矣，此君子也，取不能其主，<sup>①</sup>有<sup>②</sup>以其惡告王，不忍爲也；若夫期而不當，言而不信，此殷之所以亡也，已以此告王矣。』

○取索也。能善也。言索取不善於其主。○有見首時篇。

夫審天者察列星而知四時，因也；推歷者視月行而知晦朔，因也；禹之裸國，裸入衣出，因也；墨子見荆王，錦衣吹笙，因也；○孔子道彌子瑕，見釐夫人，因也；○湯武遭亂世，臨苦民，揚其義，成其功，因也；故因則功，專則拙。因者無敵，國雖大，民雖衆，何益！

○墨子名翟，戰國時魯人。——參閱首時篇「墨者」注。——性好儉，而錦衣吹笙，以見荆王者，因王之所欲也。○道見權勳篇。彌子瑕，衛靈公之幸臣。釐夫人，靈公夫人南子也。孔子聖人，乃因嬖幸以進身者，因靈公之所欲也。

# 察今

上胡不法先王之法，非不賢也，爲其不可得而法；先王之法，經乎上世而來者也，人或益之，人或損之，胡可得而法；雖人弗損益，猶若不可得而法。東夏<sup>①</sup>之命，古今之法，言異而典<sup>②</sup>殊，故古之命多不通乎今之言者，今之法多不合乎古之法者；殊俗之民，有似於此，其所爲欲同，其所爲異。口悮<sup>③</sup>之命不愉<sup>④</sup>，<sup>⑤</sup>若舟車衣冠滋味聲色之不同，人以自是，反以相誹，天下之學者，多辯言利辭，倒<sup>⑥</sup>不求其實，務以相毀，以勝爲故；<sup>⑦</sup>先王之法，胡可得而法，雖可得，猶若不可法。

①東夏<sup>△△</sup>，東夷與諸夏也。

②典法也。

③悮疑當作「啞」。

④口啞，猶口吻不愉，不悅服也。

⑤倒<sup>△△</sup>，不順也。

⑥故見首時篇。

凡先王之法，有要於時也，時不與法俱至，法雖今而至，猶若不可法；故擇<sup>①</sup>



釋宋不襲。④導涉也。⑤虧與「詭」同，異也。

故治國無法則亂，守法而弗變則悖，悖亂不可以持國，世易時移，變法宜矣，譬之若良醫，病萬變，藥亦萬變，病變而藥不變，嚮之壽民，今爲殤子矣；故凡舉事，必循法以動，變法者因時而化，若此論，則無過務①矣。夫不敢議法者，衆庶也，以死守法者，有司也，因時變法者，賢主也，是故有天下七十一聖，②其法皆不同，非務相反也，時勢異也，故曰：良劍期乎斷，不期乎鏌鋌；③良馬期乎千里，不期乎驥騫；④夫成功名者，此先王之千里也。

①過務不當之事也。②孔子升泰山，觀易姓而王，可得而數者七十餘人，不得而數者萬數也。③

鏌鋌，即莫邪，見常務篇「干將」注。④驥騫，皆駿馬名。

楚人有涉江者，其劍自舟中墜於水，遽契①其舟，曰：『是吾劍之所從墜。』舟止，從其所契者入水求之，舟已行矣，而劍不行，求劍若此，不亦惑乎！以此故法爲②其國與此同，時已徙矣，而法不徙，以此爲治，豈不難哉！

○契與『鏗』通，音掣（く一せ），刻也；一作『刻』。○爲見先已篇。

有過於江上者，見人方引嬰兒而欲投之江中，嬰兒啼，人問其故，曰：「此其父善游。」其父雖善游，其子豈遽善游哉，此任物○亦必悖矣！荆國之爲政，有似於此。

○任物猶任事也。



# 先識覽

凡國之亡也，有道者必先去，古今一也。地從於城，城從於民，民從於賢，故賢主得賢者而民得，民得而城得，城得而地得；夫地得豈必足行其地，人說其民哉，得其要<sup>○</sup>而已矣。

<sup>△△今</sup>○得其要謂以德化也。

夏太史令終古<sup>○</sup>出其圖法，<sup>○</sup>執而泣之，夏桀迷惑，暴亂愈甚，太史令終古乃出奔如商，湯喜而告諸侯曰：『夏王無道，暴虐百姓，窮其父兄，恥其功臣，輕其賢良，棄義聽讒，衆庶咸怨，守法之臣，自歸於商。』

<sup>△△今</sup>○太史令史官及曆官之長終古人名。  
<sup>△△今</sup>○圖法圖象與法典也。

殷內史向擊<sup>○</sup>見紂之愈亂迷惑也，於是載其圖法出亡之周，武王大說，以

告諸侯曰：「商王大亂，沈於酒德，辟遠箕子。」〔爰〕愛近姑與息。① 妣己爲政，② 賞罰無方，不用法式，殺三不辜，③ 民大不服，守法之臣，出奔周國。」

① 內史官名，或亦作「太史令」。向，人名，一作「高」，又作「尙」，擊，一作「慈」，又作「勢」。

辟，音丙（夕一），除也。箕子，紂諸父，名胥餘，箕國名，子，爵名，見紂暴虐，遂佯狂以避禍。② 姑，婦也。

息，小兒也。③ 妣，音但（夕Y）；妣己，有蘇氏女，妣字而已，姓，有蘇進紂，紂大嬖之，惟其言是聽。④

紂剖視比干之心，斷材士之股，列孕婦而觀其胎，是爲殺三不辜。

晉太史屠黍，① 見晉之亂也，見晉公，② 之驕而無德義也，以其圖法歸周，周威公，③ 見而問焉，曰：「天下之國，孰先亡？」對曰：「晉先亡。」威公問其故，對曰：「臣比在晉也，④ 不敢直言，示晉公以天妖，日月星辰之行多，〔以〕不當，⑤ 曰：「是何能爲！」又示以人事多不義，百姓皆鬱怨，曰：「是何能傷！」又示以鄰國不服，賢良不舉，曰：「是何能害！」如是，是知所以亡也，故臣曰「晉先亡」也。」居三年，晉果亡。⑥ 威公又見屠黍而問焉，曰：「孰次之？」對曰：「中山，⑦ 次之。」威



公問其故，對曰：「天生民而令有別，有別，人之義也，所異於禽獸麋鹿也。君臣上下之所以立也，中山之俗，以晝爲夜，以夜繼日，男女切（倚）踣，固無休息，淫昏康樂，歌謠好悲，其主弗知惡，此亡國之風也。臣故曰：「中山次之。」居二年，中山果亡。威公又見屠黍而問焉，曰：「孰次之？」屠黍不對。威公固問焉，對曰：「君次之。」威公乃懼，求國之長者，得義蒔田邑，而禮之，得史驪趙駢，以爲諫臣，去苛令三十九物。以告屠黍，對曰：「其尙終君之身乎！」曰：「臣聞之：國之興也，天遺之，賢人與極言之士；國之亡也，天遺之，亂人與善諛之士。」威公薨，殽，九月，不得葬，周乃分爲二。故有道者之言也，不可不重也。周鼎著饗饗，有首無身，食人未咽，害及其身，以言報更也，爲不善亦然。

①屠黍，人姓名，黍，一作「餘」。

②晉公晉出公也，名驩。

③周考王封其弟揭於河南，以續周公之官職，是爲桓公，威公名驩，桓公之子也。

④比在晉猶言在晉之時。

⑤不當，不當所行之宿度也。

⑥

⑦

⑧

出公之後，又近百年而晉始不祀，此言亡者，謂出公爲智氏趙氏韓氏魏氏所攻逐，自是晉君無權，政



幸必亡見本篇。

④中山五割地與趙，卒亡於趙。

——中山先爲魏所滅，後尋復國，而爲趙所滅。

——齊悉舉國中兵距燕於濟水上，卒爲樂毅所破，見權勳篇。

⑤造詣也。



去宥<sup>①</sup>

東方之墨者謝子，<sup>②</sup>將西見秦惠王，<sup>③</sup>惠王問秦之墨者唐姑果，<sup>④</sup>唐姑果恐王之親<sup>⑤</sup>謝子賢於己也，對曰：「謝子，東方之辯士也，其爲人甚險，將奮於說以取少主<sup>⑥</sup>也。」王因藏怒以待之。謝子至，說王，王弗聽，謝子不說，遂辭而行。凡聽言以求善也，所言苟善，雖奮於取少主，何損；所言不善，雖不奮於取少主，何益，不以善爲之慤，而徒以取少主爲之悖，<sup>⑦</sup>惠王失所以爲聽矣；用志若是，見客雖勞，耳目雖弊，猶不得所謂也；此史定所以得行其邪也，此史定所以得飾鬼以人罪，殺不辜，羣臣擾亂，國幾大危也。<sup>⑧</sup>人之老也，形益衰而智益盛，今惠王之老也，形與智皆衰邪？

①宥與「囿」同，蔽也。

②墨者見首時篇。謝子關東人，一作祁射子，祁地名，射與「謝」通。

③秦惠王

見首時篇。

⑤唐姑果一作「唐姑」又作「唐姑梁」。

⑥親一作「視」。

⑦少主指嗣惠王者。

⑧

怒誠悖逆也。謂不因其善而誠怒以待之，徒以其取少主而逆之。

⑨史定秦史，其行邪亂國未詳。

荆威王學書於沈尹華，昭釐惡之，威王好制，有中謝佐制者，爲昭釐謂威王曰：「國人皆曰：『王乃沈尹華之弟子也。』」王不說，因疏沈尹華。中謝細人也，一言而令威王不聞先王之術，文學之士不得進，令昭釐得行其私，故細人之言，不可不察也。且數怒人主，以爲姦人除路，姦路以除，而惡壅卻，豈不難哉！夫激矢則遠，激水則旱，激主則悖，悖則無君子矣。夫不可激者，其唯先有度。

①荆威王名熊商，沈尹華，沈縣大夫名華也。

②昭釐，楚公族。

③好制，好自立威制也。

④中謝，楚

官名，蓋侍御之官，佐制佐王立法制也。

⑤細人，小人。

⑥除，開通也。

⑦以與「已」通，壅卻，壅蔽之

義。言姦人之路已通，而猶惡其壅蔽，不可得也。⑧旱，乾也。水激則去疾，不能浸潤也。⑨度，法也，卽謂去其所蔽也，聽言必察也。

鄰父有與人鄰者，有枯梧樹，其鄰之父言梧樹之不善也，鄰人遽伐之，鄰父因請而以爲薪，其人不說，曰：「鄰者若此其險也，豈可爲之鄰哉！」此有所宥也，夫請以爲薪與弗請，此不可以疑枯梧樹之善與不善也。⊖

⊖ 枯梧樹之善不善，當自知之，不可因鄰父之請爲薪與否，始疑樹之善不善也。

齊人有欲得金者，清旦被衣冠，往鬻金者之所，見人操金，攫⊖而奪之，吏搏⊖而束縛之，問曰：「人皆在焉，子攫人之金，何故？」對吏曰：「殊不見人，徒見金耳。」此真大有所宥也，夫人有所宥者，固以晝爲昏，以白爲黑，以堯爲桀，宥之爲敗亦大矣！亡國之主，其皆甚有所宥邪！故凡人必別宥然後知，⊖別宥則能全其天⊖矣。

⊖ 攫音嬰（ㄐㄩㄥ），捕也。⊖ 搏音付（ㄅㄛ），奪取也。⊖ 別，明辨之意，知無所蔽也。⊖ 天，身也。

# 精論

聖人相論不待言，有先言言者○也。

○先言言者猶先於言而言者。

海上之人，有好蜻者，○每居○海上從蜻游，蜻之至者百數而不止，前後左右盡蜻也，終日玩之而不去，其父告之曰：「聞蜻皆從女居，取而來，吾將玩之！」明日之海上，而蜻無至者矣。

○好蜻者一作「好瀕鳥者」。

○居處也。

勝書○說周公旦曰：「廷小人衆，徐言則不聞，疾言則人知之，徐言乎，疾言乎？」周公旦曰：「徐言。」勝書曰：「有事於此，而精言之而不明，勿言之而不成，精言乎，勿言乎？」周公旦曰：「勿言。」故勝書能以不言說，而周公旦能以不言

聽，此之謂不言之聽。不言之謀，不聞之事，殷雖惡周，不能疵矣。○口噤○不言，以精相告，紂雖多心，弗能知矣；目視於無形，耳聽於無聲，商聞雖衆，弗能窺矣；同惡同好，志皆有欲，雖爲天子，弗能離矣。

○勝書一作「客」無名；一作「王滿生」。

○疵病也。一作誅管蔡事，非謂弱商。

○噤同「吻」。

孔子見溫伯雪子，○不言而出，子貢○曰：「夫子之欲見溫伯雪子好○矣，今也見之而不言，其故何也？」孔子曰：「若夫人者，目擊而道存矣，不可以容聲矣，故未見其人而知其志，見其人而心與志皆見，天符同也。○」聖人之相知，豈待言哉！

○溫伯雪子古之得道人。

○子貢見先己篇；一作子路。

○好，一作「久」。

○天符猶天道同合也。

白公○問於孔子曰：「人可與微言乎？」孔子不應。○白公曰：「若以石投

水奚若？」○孔子曰：「没人○能取之。」白公曰：「若以水投水奚若？」孔子曰：「溜

澗之合者，易牙嘗而知之。」○白公曰：「然則人不可與微言乎？」孔子曰：「胡



爲不可！唯知言之謂者爲可耳。⑤白公弗得也。⑥知謂則不以言矣。⑦言者，謂之屬也，求魚者濡，爭獸者趨，非樂之也。⑧故至言去言，至爲無爲，淺智者之所爭則末矣。此白公之所以死於法室。⑨

①白公楚平王太子建之子，名勝，封於白——楚縣名——故稱白公。②與見權勳篇微言陰謀密

事也；平王時，太子建被讒奔鄭，爲鄭人所殺，勝後返國，其庶父子西爲令尹，子期爲司馬，勝欲伐鄭以報父仇，子西許之，會晉伐鄭，子西子期又以兵救鄭，勝怒，欲殺子西子期，故以微言爲問。③孔子知

白公欲爲亂，故不應。一說，孔子不應有與白公問答事，此本列子，當爲寓言。④意謂微言若以石投

水，人不能知。⑤沒人能沒入水中者。⑥澠水名，源出今山東萊蕪縣。澠水名，出今河南澠池縣西

北廣陽山。易牙，人姓名，齊桓公辨味之臣。⑦所謂言者，乃指仁義忠信而言，若所言爲仁義忠信之

事，固可言也。⑧謂白公不得言之道。⑨謂不以陰謀密事爲言。⑩濡，濕也。非樂之謂，非樂其濡

樂其趨。此以喻不知言之謂，不如不言，不然，將如求魚者必濡，爭獸者必趨矣。⑪法室，謂司寇；一作

浴室，澡浴之室也；一謂白公奔山而縊。

齊桓公<sup>①</sup>合諸侯，衛人後至，公朝而與管仲<sup>②</sup>謀伐衛。退朝而入，衛姬<sup>③</sup>望見君，下堂再拜，請衛君之罪。<sup>④</sup>公曰：「吾於衛無故，子曷爲請？」對曰：「妾望君之入也，足高氣彊，有伐國之志也，見妾而有動色，伐衛也。」明日，君朝，揖管仲而進之，管仲曰：「君舍衛乎？」公曰：「仲父<sup>⑤</sup>安識之？」管仲曰：「君之揖朝也，恭而言也，徐見臣而有慚色，臣是以知之。」君曰：「善。仲父治外，夫人治內，寡人知終不爲諸侯笑矣。」桓公之所以匿者，不言也，今管子乃以容貌音聲，夫人乃以行步氣志，桓公雖不言，若暗夜而燭燎<sup>⑥</sup>也。

①齊桓公見貴公篇。

②管仲見貴公篇。

③衛姬，衛女之爲桓公夫人者。

④以揣知桓公將伐衛。

故請問衛君有何罪也。

⑤仲父見貴公篇。

⑥燎音了（力一幺），燕火也。

晉〔襄〕頃公<sup>①</sup>使人於周曰：「弊邑寡君寢疾，卜以守龜曰：『三塗<sup>②</sup>爲祟。』」

弊邑寡君使下，臣願藉途而祈福焉！天子<sup>③</sup>許之。朝禮使者，事畢，客出，棖弘<sup>④</sup>謂劉康公<sup>⑤</sup>曰：「夫祈福於三塗，而受禮於天子，此柔嘉<sup>⑥</sup>之事也，而客武色，殆

有他事，願公備之也！劉康公乃敝戎車卒士以待之。晉果使祭事先，因令楊子將卒十二萬而隨之，涉於棘津<sup>①</sup>，襲聊阮梁<sup>②</sup>，蠻氏，滅三國焉。此形名不相當，聖人之所察也。莨弘則審矣。故言不足以斷小事，唯知言之謂者可爲。

①晉頃公名去疾。

②三塗山名，在今河南嵩縣西南，伊水之北。

③天子周景王也。

④莨弘，人姓

名，周大夫也。

⑤劉康公，字季子，周王族，食采於劉，諡曰康，故稱。

⑥柔嘉，柔和美善也。

⑦楊子，未

詳。⑧棘津，河岸名。

⑨聊阮梁，春秋時三戎國名。



離謂

言者，以諭意也，言意相離，凶也。亂國之俗，甚多流言而不顧其實。務以相毀，務以相譽，毀譽成黨，衆口熏天，賢不肖不分，以此治國，賢主猶惑之也。又况乎不肖者乎！惑者之患，不自以為惑，故惑。惑之中有曉焉，冥冥之中有昭昭焉，亡國之主，不自以為惑，故與桀紂幽厲皆也。然有亡者，國無二道矣。

○言惑者雖惑，然其所惑之中，亦有小智，昏暗之中，亦有小明，因自謂不惑而終惑也。

○幽，周幽王。

名宮涅，為犬戎所攻殺，子平王東遷於洛，為東周，而西周亡。厲，周厲王，名胡，幽王之祖父，暴虐侈傲，國

人叛而襲之，王奔彘以死。皆與「借」通。

○者，與「諸」同。

鄭國多相縣以書。○者，子產令無縣書。○鄧析致之。○子產令無致書，鄧析倚之。○令無窮，則鄧析應之亦無窮矣。是必不可無辨也。○可不可無辨，而以賞

罰其罰愈疾，其亂愈疾，此爲國之禁也。故辨而不當理，則僞；知而不當理，則詐；詐僞之民，先王之所誅也。理也者，是非之宗也。

○縣，同「懸」；相縣以書謂懸招訟者，爲之包攬詞訟，以倒亂是非曲直也。

○子產，鄭名相，爲鄭公

族，名僑，令無縣書，卽禁止包攬詞訟也。

○鄧析，鄭大夫，治名家言，致傳致也。

○倚，依也，依縣書者

之意以聽訟也。○言其倒亂是非曲直，無所辨別。

洧水○甚大，鄭之富人，有溺者，人得其死○者，富人請贖之，其人求金甚多，以告鄧析，○鄧析曰：『安之人，必莫之賣矣。』○得死者，患之以告鄧析，鄧析又答之曰：『安之！此必無所更買矣。』○夫傷忠臣者，有似於此也。夫無功不得民，則以其無功不得民傷之，有功得民，則又以其有功得民傷之，人主之無度者，無以知此，豈不悲哉！比干、萇弘以此死，○箕子商容以此窮，○周公召公以此疑，○范蠡子胥以此流，○死生存亡安危，從此生矣。

○洧，音位（又）；洧水發源於今河南陽城山，東流至新鄭縣。

○死與「尸」同。

○一作「富人

黨以告鄧析。④一作「必無買此者」。⑤言舍汝無從更買得此尸。⑥比干紂諸父，諫紂，紂剖

其心而死之。晉范吉射苟寅叛其君，襄弘助范氏，晉以爲言，周爲殺弘。以此因其主不知。⑦箕子，詳

先識覽篇。商容紂賢臣，以諫被黜。⑧周武王崩，子成王立，年幼，周公旦召公奭輔之，武王羣弟管叔

蔡叔流言於國，謂周公將不利於孺子，周召以此見疑。⑨范蠡，越王勾踐臣，佐勾踐滅吳，吳亡，蠡以

勾踐爲人，可與共患難，不可與共安樂，遂去越他適。子胥事吳王闔閭，勝楚以強國，闔閭死，子夫差立，

與越和，子胥諫，不聽，而賜劍使自盡，以革囊盛其尸，投之江。

子產治鄭，鄧析務難之，與民之有獄者約，大獄一衣，小獄襦袴。⑩民之獻衣  
襦袴而學訟者，不可勝數，以非爲是，以是爲非，是非無度，而可與不可日⑪變，所  
欲勝，因勝，所欲罪，因罪，鄭國大亂，民口譁譁，子產患之，於是殺鄧析而戮之，民心  
乃服，是非乃定，法律乃行。今世之人，多欲治其國，而莫之誅鄧析之類，此所以欲  
治而愈亂也。

⑩襦音儒（日×），短衣也，若今之短襖。大獄獻一衣，小獄獻襦袴，卽教之勝訟也。⑪日，一作「因」。

齊有事人者，所事有難而弗死也，遇故人於塗，故人曰：「固不死乎？」對曰：「然，凡事人以爲利也，死不利，故不死。」故人曰：「子尙可以見人乎？」對曰：「子以死爲願，可以見人乎？」是者數傳，○不死於其君長，大不義也，其辭猶不可服，辭之不足以斷事也明矣。夫辭者，意之表也，鑒其表而棄其意，悖，故古之人得其意，則舍其言矣；聽言者以言觀意也，聽言而意不可知，其與橋○言無擇。

○言是人已數世事其君。

○言其辭雖強，而能奪理，據以斷事，則是非曲直倒亂矣。

○橋，矯也。

齊人有淳于髡○者，以從○說魏王，魏王辯之，約車十乘，將使之荊，辭而行，有○以橫○說魏王，魏王乃止其行。○失從之意，又失橫之事，夫其多能，不若寡能，其有辯不若無辯。周鼎著倮而齧其指，先王有以見大巧之不可爲也。○

○淳于髡，戰國時齊人，滑稽多辨。

○從合從，聯關東六國以拒秦也。

○有見首時篇。

○橫連橫，

使關東六國相率事秦也。

○王以其言自相矛盾，故疑而不使行也。

○倮見重己篇。齧音紇，

齧也。周著倮於鼎，使自齧其指，所以明大巧之不可爲，以喻淳于髡特巧辨而言意相離，致兩無

呂氏春秋 離謂  
所就也。





# 離俗覽

世之所不足者，理義也，所有餘者，妄苟也，民之情，貴所不足，賤所有餘，故布衣人臣之行，潔白清廉中繩，愈窮愈榮，雖死，天下愈高之，所不足也，然而以理義斲削，神農黃帝猶有可非，微獨舜湯，飛兔要褻，古之駿馬也，材猶有短，故以繩墨取木，則宮室不成矣。

○妄苟，妄作苟爲也。

○繩正也。

○斲削，繩律之意。

○神農，古帝，姜姓，始教民作耜，興農業，故

稱神農，又稱炎帝，黃帝，古帝，姓公孫，後改姓姬，又稱軒轅氏，以兵力服諸侯，代神農氏爲天子。

○舜

爲天子，其父瞽瞍爲庶人，因有卑父之謗，湯以征誅得天下，因有放弑之譏。

○襄，音鳥（广一么）

飛兔要褻，皆良馬名。

○繩墨，所以爲直之具，正材難得，故宮室不成也。

舜讓其友石戶之農，石戶之農曰：「椀椀乎后，之爲人也，葆力之

士也。以舜之德爲未至也，於是乎夫負妻戴攜子以入於海去之，終身不反。舜又讓其友北人無擇，北人無擇曰：「異哉！后之爲人也！居於剛畝之中，而游入於堯之門，不若是而已。」又欲以其辱行漫我，我羞之，而自投於蒼領之淵。湯將伐桀，因卞隨而謀，卞隨辭曰：「非吾事也。」湯曰：「孰可？」卞隨曰：「吾不知也。」湯又因務光而謀，務光曰：「非吾事也。」湯曰：「孰可？」務光曰：「吾不知也。」湯曰：「伊尹何如？」務光曰：「彊力忍詢，吾不知其他也。」湯遂與伊尹謀夏，伐桀，克之，以讓卞隨，卞隨辭曰：「后之伐桀也，謀乎我，必以我爲賊也，勝桀而讓我，必以我爲貪也，吾生乎亂世，而無道之人再來詢我，吾不忍數聞也。」乃自投於潁水而死。湯又讓於務光曰：「智者謀之，武者遂之，仁者居之，古之道也，吾子胡不位之？」請相吾子。務光辭曰：「廢上，非義也，殺民，非仁也，人犯其難，我享其利，非廉也，吾聞之，非其義，不受其利，無道之世，不踐其土，况於尊我乎，吾不忍久見也。」乃負石而沈於募水。故如石戶之農，北人

無擇卞隨務光者，其視天下，若六合<sup>④</sup>之外，人之所不能察，其視富貴也，苟可得已，則必不之賴<sup>⑤</sup>。高節厲行，獨樂其意，而物莫之害，不漫於利，不牽於勢，而羞居濁世，惟此四士者之節。若夫舜湯，則苞裹覆容，緣不得已而動，因時而爲，以愛利爲本，以萬民爲義，譬之若釣者，魚有大小，餌有宜適，羽有動靜。⑥

①讓讓天下也。石戶之農，石戶地之農人也。

②樵，音權。《考工記》：「樵，自勞貌。」一作「捲捲」。

③后見先己篇。

④葆，通「寶」。葆力言自寶其力，而卸責於人。

⑤北人無擇，姓北人，名無擇也。

⑥馴，「吠」之古文，一畝之間，廣尺深尺曰馴，畝田六十方丈也。

⑦已，止也。

⑧漫，汗也。

⑨蒼，領一

作「清冷」，淵名也。

⑩卞，隨人姓名。⑪務光，人姓名，湯時隱士，一作「瞽光」，又作「牟光」。

伊尹見先己篇。

⑫詢，辱也；一作「垢」。⑬數，音朔（尸又己），頻也。

⑭穎水，出今河南登封西境。

之穎谷。

⑮遂，成也。

⑯位之位，天子之位也；一說，之爲衍文。

⑰慕，讀如「伯」，一說，慕無伯音，

疑爲「慕」之訛，慕音莫也；慕水不詳；一作「盧水」，或「盧水」。

⑱六合，天地四方也。

⑲賴，利也。

⑳羽，釣浮也。言舜湯之行如釣，相時而動，動因其宜，不能超乎象外也。

齊晉相與戰，平阿之餘子亡戟得矛，<sup>①</sup>卻而去，不自快。<sup>②</sup>謂路之人曰：「亡戟得矛，可以歸乎？」路之人曰：「戟亦兵也，矛亦兵也，亡兵得兵，何爲不可以歸！」去，行，心猶不自快，遇高唐之孤叔無孫，<sup>③</sup>當其馬前曰：「今者戰，亡戟得矛，可以歸乎？」叔無孫曰：「矛非戟也，戟非矛也，亡戟得矛，豈亢責<sup>④</sup>也哉！」平阿之餘子曰：「嘻！」還反戰，趨尙及之，遂戰而死。叔無孫曰：「吾聞之，君子濟<sup>⑤</sup>人於患，必離<sup>⑥</sup>其難。」疾驅而從之，亦死而不反。令此將衆，亦必不北矣，令此處人主之旁，亦必死義矣，今死矣而無大功，其任小故也，任小者，不知大也，今焉知天下之無平阿餘子與叔無孫也，故人主之欲得廉士者，不可不務求。

①平阿<sup>△△</sup>齊邑名。古軍制，家致一人爲正卒，餘皆爲羨卒，曰餘子。亡戟得矛，亡己之戟，而得晉人之矛。

②不自快<sup>△△</sup>心不自安也。③高唐<sup>△△</sup>齊邑，故城在今山東禹城縣西南。孤<sup>△</sup>孤<sup>△</sup>特位尊也。叔無孫<sup>△△△</sup>守高唐之

大夫，叔姓，無孫名。④亢<sup>△△</sup>責<sup>△△</sup>當其責也。⑤濟<sup>△</sup>入也。⑥離<sup>△</sup>猶遭也。

齊莊公<sup>①</sup>之時，有士曰賓卑聚<sup>②</sup>，夢有壯子<sup>③</sup>，白縞<sup>④</sup>之冠，丹績之袖，<sup>⑤</sup>東

布<sup>㊸</sup>之衣，新素履，墨劍室，<sup>㊹</sup>從而叱之，唾其面，惕然<sup>㊺</sup>而寤；徒夢也。終夜坐，不自快；明日，召其友而告之曰：『吾少好勇，年六十而無所挫辱，今夜辱，吾將索其形，期得之則可，不得，將死之。』每朝與其友俱立乎衢，三日，不得，卻而自歿。<sup>㊻</sup>謂此當務則未也，雖然，其心之不辱也，有可以加乎！

○齊莊公名光。

○賓卑聚賓姓，卑聚名。

○壯子猶壯士。

○白縞，白生絹之細者。

○績，一說；疑

「績」字，衤音句（ムフ），領端也；一曰，纓也。

○東布，東方所出之布。

○墨，黑色。劍室，劍鞘也。

○惕，音蕩（フ尤）；惕，音商（尸尤）；惕然，直疾貌。

○卻，退也。歿，殞也。或體，殞即「刻」也。

貴信

凡人主必信，信而又信，誰人不親！故周書曰：『允哉允哉！』○以言非信則

百事不滿○也，故信之爲功大矣！信立則虛言可以賞矣，○虛言可以賞，則六合

之內，皆爲己府矣。○信之所及，盡制之矣，制之而不用，人之有也，制之而用之，己

之有也，○己有之，則天地之物畢爲用矣。人主有見此論者，其王不久矣，人臣有

知此論者，可以爲王者佐矣。天行不信，不能成歲；地行不信，草木不大；春之德風，

風不信，其華不盛，華不盛，則果實不生；夏之德暑，暑不信，其土不肥，土不肥，則長

遂不精；秋之德雨，雨不信，其穀不堅，穀不堅，則五種不成；冬之德寒，寒不信，其地

不剛，地不剛，則凍閉不開；○天地之大，四時之化，而猶不能以不信成物，又况乎

人事！君臣不信，則百姓誹謗，社稷不寧；處官不信，則少不畏長，貴賤相輕；賞罰不

信，則民易犯法，不可使令；交友不信，則離散鬱怨，不能相親；百工不信，則器械苦  
④ 僞，丹漆染色不貞；⑤ 夫可與爲始，可與爲終，可與尊通，可與卑窮者，其唯信乎！  
信而又信，重襲於身，乃通於天，以此治人，則膏雨甘露降矣，寒暑四時當矣。

① 周書逸周書也。允信也。

② 滿猶成也。

③ 言以空言爲賞，人亦信其不欺矣。

④ 六合見離俗覽

篇皆爲己府言皆如己有。

⑤ 言制而不用，因爲他人所有，制而用之，卽爲己有。

⑥ 開一說，「密」之

訛；一說，當爲「闕」，闕卽密之借字，形近，故訛「開」耳。

⑦ 苦羸惡之義。

⑧ 真正也。

齊桓公伐魯，魯人不敢輕戰，去魯國五十里而封之。○魯請比關內侯以聽，

桓公許之。曹翽謂魯莊公曰：「君寧死而又死乎？其寧生而又生乎？」莊

公曰：「何謂也？」曹翽曰：「聽臣之言，國必廣大，身必安樂，是生而又生也；不聽

臣之言，國必滅亡，身必危辱，是死而又死也。」莊公曰：「請從！」於是明日將盟，

莊公與曹翽皆懷劍，至於壇上，莊公左搏，桓公右抽劍以自承，曰：「魯國去

境數百里，今去境五十里，亦無生矣。」鈞其死也，戮於君前。○管仲鮑叔進，曹



翻按劍當兩陞之間，<sup>④</sup>曰：『且二君將改圖，毋或進者！』<sup>⑤</sup>莊公曰：『封於汶則可，<sup>⑥</sup>不則請死！』管仲曰：『以地衛君，非以君衛地，君其許之！』乃遂封於汶南，與之盟。歸而欲勿予，管仲曰：『不可，人特劫君而不盟，君不知，不可謂智；臨難而不能勿聽，不可謂勇；許之而不予，不可謂信；不智，不勇，不信，有此三者，不可以立功名予之，雖亡地，亦得信，以四百里之地，見信於天下，君猶得也。』莊公，仇也，<sup>⑦</sup>曹翻，賊也，信於仇賊，又况於非仇賊者乎？夫九合之而合，<sup>⑧</sup>壹匡之而聽，<sup>⑨</sup>從此生矣。管仲可謂能因物矣，以辱爲榮，以窮爲通，雖失乎前，可謂後得之矣；物固不可全也。<sup>⑩</sup>

① 於離國都五十里之地，立防以自固也。

② 比關內侯以郊關之侯自比；一說，侯當作「候」，言比

於關內之候吏；又一說，侯疑衍文，謂請與齊之內地相比，一切奉齊命云。

③ 曹翻，一作曹沫。魯人，以

勇力聞。

④ 魯莊公名同。

⑤ 搏，見首時篇。

⑥ 自承，自向也。

⑦ 言魯之國都，本與國境相去數百

里，今相去五十里，削弱至此，難以自保，亦終不勉於死矣。

⑧ 鈞等也。言等一死耳，不如卽戮君前以



死。⑨盟壇左右兩階之間。

⑩禁管鮑前進也。

⑪汶，水名，在山東。封於汶言以汶爲境也。蓋汶南

之地，本屬於魯，時爲齊所奪，故請復之。

⑫齊襄公在位，無道，弟糾及弟小白懼禍及，皆出奔，糾奔魯，

小白奔莒，襄公被弑，齊內亂，魯莒各納來奔者於齊，小白先入。

——卽桓公。——發兵拒魯，魯兵敗，殺

糾，故謂莊公爲仇。

⑬九合，謂桓公九合諸侯也，有二說：一謂兵車之三會及乘車之六會，魯莊公十

三年會北杏以平宋亂，魯僖四年侵蔡伐楚，六年伐鄆，圍新城，爲兵車三會，魯莊十四年會于鄆，十五

年又會鄆，十六年同盟于幽，僖五年會首止，八年盟于洮，九年會葵丘，爲乘車六會，合得九數；一謂北

杏，樛陽穀首戴寧母葵丘七會及鄆幽各二會，凡十一會，而除去北杏陽穀以成九云。⑭匡，正也。

⑮壹匡，謂周惠王崩，太子鄭以弟帶寵於惠王后，懼不得立，不發喪而告難於齊，桓公因會諸侯於洮，以

定王位，鄭乃得立，是爲襄王。

⑯一說，末句疑爲下舉難籒之首句，錯雜於此。

# 舉難

以全舉人固難，物之情也。⊖人傷堯以不慈之名，⊖舜以卑父之號，⊖禹以貪位之意，⊖湯武以放弑之謀，五伯以侵奪之事，由此觀之，物豈可全哉！故君子責人則以人，⊕自責則以義，責人以人則易足，易足則得人，自責以義則難爲非，難爲非則行飾，⊕故任天地而有餘，⊕不肖者則不然，責人則以義，自責則以人，責人以義〔責〕則難〔贍〕贍，⊕難〔贍〕贍則失親，⊕自責以人則易爲易爲則行苟，故天下之大而不容也，身取危，國取亡焉；此桀紂幽厲之行也。尺之木必有節目，寸之玉必有瑕璣，⊕先王知物之不可全也，故擇務而貴取一也。

⊖言舉人難得全人，物情固如此也。

⊖傷毀也。堯不慈之名，見當務篇。

⊖卑父，見離俗覽注。

⊕

⊕貪位謂禹廢舜子商均而代其位。

⊕責人以人謂以衆人望人，不苛求也。

⊕飾讀如「飭」，飭正

也。①任天地而有餘，以其德饒也。②贖足也。③失親，言人皆不與相親也。④璫，音摘（出己）  
「適」之俗字，瑕璫，玉病也。⑤取一，取其一長，不問其餘事也。

季孫氏刼公家，①孔子欲論術則見外，於是受養而便說，②魯國以訾。③孔  
子曰：「龍食乎清而游乎清，螭④食乎清而游乎濁，魚食乎濁而游乎濁，今丘上  
不及龍，下不若魚，丘其螭邪！」夫欲立功者，豈得中繩⑤哉，救溺者濡，追逃者趨。  
⑥

①季孫氏魯之權臣，刼公家，刼公家政事而自尊之也。②言孔子欲論以道術，則慮見疏遠，故受

其養，以便論說焉。③以訾，因毀孔子也。④螭，音療「一」若龍而黃，無角。⑤中繩，見離俗覽。

⑥濡與趨，皆人所不樂，然欲救溺追逃，不得不濡趨也。

魏文侯弟曰季成，①友曰翟璜，②文侯欲相之而未能決，以問〔季充〕李克，  
〔季充〕李克對曰：「君欲置相，則問樂騰，③與王孫苟端孰賢。」文侯曰：「善。」  
以王孫苟端爲不肖，翟璜進之，以樂騰爲賢，季成進之，故相季成。凡聽於主言人

不可不慎，季成，弟也，翟璜，友也，而猶不能知，何由知樂騰與王孫苟端哉！疏賤者知，親習者不知，理無自然，〔理無〕自然而斷相過，〔季充〕李克之對文侯也，亦過，雖皆過，譬之若金之與木，金雖柔，猶堅於木。

①季成，一稱公成季；又稱魏成子。

②翟璜，戰國時魏人，一作「翟黃」；又作「翟觸」。

③李克，戰國

時魏人，嘗爲魏相，子夏弟子；一說，受業於子夏之門人魯申。

④樂騰，一作「樂商」。

⑤言文侯於

季成翟璜之賢不肖，且不能知，則以樂騰爲賢，以王孫苟端爲不肖，亦未必有當也。

⑥理無自然於

理無由然也。⑦理無自然而斷相過，言理所無由然，而以之斷其孰爲相，則過矣。

孟嘗君問於白圭曰：『魏文侯名過桓公，而功不及五伯，何也？』白圭

對曰：『文侯師子夏，友田子方，敬段干木，此名之所以過桓公也；卜相曰：

「成與璜孰可？」此功之所以不及五伯也；相也者，百官之長也，擇者，欲其博也，

今擇而不去二人，與用其譬亦遠矣！且師友也者，公可也，威愛也者，私安也，

也，以私勝公，衰國之政也；然而名號顯榮者，三士羽翼之也。

○孟嘗君戰國時齊公族田嬰之子，名文，以好士稱。

○白圭戰國時周人，名丹，圭其字也，與先謙覽

所引者爲二人。

○子夏姓卜，名商，孔子弟子。

○田子方名無擇，子賁弟子，魏賢人也。

○段干木

見謹聽篇。

○讎謂管仲，仲爲桓公讎。

——見貴公篇注。

——桓公能以爲相，因霸諸侯，與用其讎亦

遠矣，言文侯較之桓公之能用其讎者遠不如也。

○公可公意所可。

○私安私意所安。

○三十七

子夏等三人羽翼之猶佐之也。

寧戚欲干齊桓公，○窮困無以自進，於是爲商旅，將任車○以至齊，暮宿於

郭門之外。桓公郊迎客，夜開門，辟○任車，爝火○甚盛，從者甚衆，甯戚飯牛居車

下，望桓公而悲，擊牛角疾歌。桓公聞之，撫○其僕之手曰：『異哉！之歌者非常人

也！』命後車載之。桓公反，至，從者以請，桓公賜之衣冠，將見之。寧戚見，說桓公以

治境內，明日復見，說桓公以爲○天下，桓公大說，將任○之，羣臣爭之曰：『客，衛

人也，衛之去齊不遠，君不若使人問之，而○固賢者也，用之未晚也。』桓公曰：

『不然，問之，患其有小惡，以人之小惡，亡人之大美，此人主之所以失天下之士

也已！凡聽必有以矣，今聽而不復問，合其所以也；且人固難全，權而用其長者；當舉也，桓公得之矣。

①寧<sup>△今</sup>戚又作寧邀，春秋時衛人，爲齊桓公上卿，後爲相。干齊桓公，求進於齊桓公也。

②任<sup>△今</sup>車載重之

車。③辟<sup>△今</sup>與「闢」通，除道之意。④爝<sup>△今</sup>，音囁（ㄉㄧˋ）；爝<sup>△今</sup>火，火炬也。

⑤撫<sup>△今</sup>按也，按令止車也。⑥

爲<sup>△今</sup>，見察今篇。⑦任<sup>△今</sup>用也。⑧而與「如」同。⑨當<sup>△今</sup>舉也，一作「當此舉也」。

⑩得<sup>△今</sup>之，謂得權而用

其長之道。

# 召類

類〔同〕固相召。氣同則合，聲比①則應，故鼓宮而宮應，鼓角而角動，②以龍致雨，以形逐影，禍福之所自來，衆人以爲命焉，不知其所由。故國亂非獨亂，有③必召寇，獨亂未必亡也，召寇則無以存矣。凡兵之用也，用於利，用於義，攻亂則服，服則攻者利，攻亂則義，義則攻者榮，榮且利，中主猶且爲之，有④况於賢主乎！故割地，寶器，戈劍，卑辭，屈服，不足以止攻，唯治爲足，⑤治則爲利者不攻矣，爲名者不伐矣，凡人之攻伐也，非爲利，則固爲名也，名實不得，國雖彊大，則無爲攻矣。⑥兵所自來者久矣，堯戰於丹水之浦，⑦以服南蠻，舜卻苗民，⑧更易其俗，禹攻曹魏，屈鯀有扈，⑨以行其教，三王以上，固皆用兵也，亂則用，治則止，治而攻之，不祥莫大焉，亂而弗討，害民莫長焉，此治亂之化⑩也，文武之所由起也。文者，愛之徵

也，武者，惡之表也，愛惡循義，文武有常，聖人之元也；譬之若寒暑之序，時至而事生之，聖人不能爲時，而能以事適時，事適於時者，其功大。

○比音避（ㄅㄨˋ）近也。○宮五音之一。鼓大宮而小宮應。角五音之一。鼓大角而小角應。○有

見首時篇。○有見上。○唯治爲足言唯治足止人攻。○攻之不得名，又不得實，其國雖強大，亦

不往攻也。○丹水水名，發源陝西冢嶺山，入河南浦岸也；一曰崖也。○苗民三苗之，民古中國之

民族，唐虞時不服政化，舜因討之。○曹魏屈懿皆古國名，有感見先己篇。古稱啓伐有滬，此言禹，或

禹先已伐之也。○化變也。○元寶也。

士尹池○爲荆使於宋，司城子罕○觴之。南家之牆，隳於前而不直。○西家

之潦，徑其宮而不止。○士尹池問其故，司馬○城子罕曰：「南家，工人也，爲鞵○

者也，吾將徙之，其父曰：「吾恃爲鞵以食，二世矣，今徙之，是宋國之求鞵者，不知

吾處也，吾將不食，願相國之憂吾不食也。」爲是故吾弗徙也。西家高，吾宮庫，○

潦之經，吾宮也利，○故弗禁也。」士尹池歸荆，荆王適興兵而攻宋，士尹池諫於



荆王曰：「宋不可攻也，其主賢，其相仁，賢者能得民，仁者能用人，荆國攻之，其無功而爲天下笑乎！」故釋宋而攻鄭。孔子聞之曰：「夫脩之於廟堂之上，而折衝乎千里之外者，其司城子罕之謂乎！」宋在三大萬乘之間，<sup>④</sup>子罕之時，無所相侵，邊境四益，相平。元公景公以終其身，<sup>⑤</sup>其唯仁且節與！故仁節之爲功大矣！故明堂茅茨蒿柱，<sup>⑥</sup>土階三等，以見節儉。

① 土尹池，一作工尹他。

② 司城子罕，見異寶篇。

③ 盤，曲也。言南家之牆，曲出子罕堂前，子罕不直

之也。

④ 徑過也；一作「經」，又作「注」。言西家之潦，從高下流，經子罕宮，子罕不禁也。

⑤ 鞞，音漫

(ㄇㄣˊ)，履空也，猶今鞋幫。

⑥ 庫，見誠廉篇。⑦ 利，利其經吾宮也。

⑧ 衝，衝車，所以衝突敵兵而

陷破之，有道之國，不可攻伐，使欲攻己者折還其衝車，不敢來攻，曰折衝。

⑨ 宋南有楚，北有晉，東有

齊，三國皆萬乘大國，故曰在三大萬乘之間。

⑩ 平公名成，元公平公子，名佐，景公平公子，名頭曼，子

罕，歷相三君。

⑪ 明堂，明政教之堂，古祀上帝，祭先祖，朝諸侯，養老尊賢，凡關於大典禮者，皆於此行

之，其制，自上古以迄唐宋，各有不同。茨，音慈(ㄘ)；茅茨，以茅蓋屋也。蒿柱，蒿所爲柱，周時德澤和洽，

蕭茂大，因以爲柱。

趙簡子○將襲衛，使史默往睹○之，期以一月，六月而後反，趙簡子曰：『何其久也？』史默曰：『謀利而得害，猶弗察也，今蘧伯玉○爲相，史鮪○佐焉，孔子爲客，子貢○使令於君前，甚聽，易曰：『渙其羣元吉。』○渙者，賢也，羣者，衆也，元者，吉之始也，渙其羣元吉者，其佐多賢也。』趙簡子按兵而不動，凡謀者，疑也，疑則從義斷事，從義斷事，則謀不虧，謀不虧，則名實從之，賢主之舉也，豈必旗幟○將斃，而乃知勝敗哉，察其理而得失榮辱定矣，故三代之所貴，無若賢也。

○趙簡子，晉大夫，名鞅。

○睹，身親往見之義。

○蘧伯玉，衛賢大夫，名瑗。

○鮪，春秋（考一又）

史鮪字子魚，以直名。

○子貢見先己篇。

○易渙卦辭。

○債，音分（ㄉㄨㄛˋ），覆也。

期賢

今夫爚<sup>○</sup>蟬者，務在乎明其火振其樹而已，火不明，雖振其樹，何益！<sup>○</sup>明火不獨在乎火，在於闇，當今之時，世闇甚矣，人主有能明其德者，天下之士，其歸之也，若蟬之走<sup>○</sup>明火也。凡國不徒安，名不徒顯，必得賢士。

<sup>△</sup>爚與「耀」通。

<sup>○</sup>火不明，則蟬飛去而不能得，故曰何益。

<sup>○</sup>走趨也。

趙簡子晝居，喟然太息曰：『異哉！吾欲伐衛十年矣，而衛不伐。』侍者曰：『以趙之大，而伐衛之細，君若不欲，則可也；君若欲之，請令伐之。』簡子曰：『不如而<sup>○</sup>言也，衛有士十人於吾所，吾乃且伐之，十人者，其言不義也。』而我伐之，是我爲不義也。故簡子之時，衛以十人者按<sup>○</sup>趙之兵，歿簡子之身，衛可謂知用人矣，遊十士而國家得安，簡子可謂好從諫矣，聽十士而無侵小奪弱之名。

○不伐不果伐也。○而汝也。○其言不義謂十人言伐衛不義。○按止也。

魏文侯過段干木之閭而軾之。○其僕曰：「君胡爲軾？」曰：「此非段干木

之閭歟！段干木蓋賢者也，吾安敢不軾！且吾聞段干木未嘗肯以己易寡人也。○

吾安敢驕之，段干木光乎德，寡人光乎地，段干木富乎義，寡人富乎財。」其僕曰：

「然則君何不相之？」於是君請相之，段干木不肯受，則君乃致祿百萬，而時往

館之。○於是國人皆喜，相與誦之曰：「吾君好正，段干木之敬；吾君好忠，段干木

之隆！」居無幾何，秦興兵欲攻魏，司馬唐○諫秦君曰：「段干木，賢者也，而魏禮

之，天下莫不聞，無乃不可加兵乎！」秦君以爲然，乃按兵輟不敢○攻之。魏文侯

可謂善用兵矣，嘗聞君子之用兵，莫見其形，其功已成，其此之謂也。野人之用兵

也，鼓聲則似雷，號呼則動地，塵氣充天，流矢如雨，扶傷輿死，○履腸涉血，無罪之

民，其死者量○於澤矣，而國之存亡，主之死生，猶不可知也，其離仁義亦遠矣！

○閭，里門也。軾，伏也。古時乘車必正立，有所敬，則伏於車前。文侯敬段干木，故車過其閭而軾。○言

未嘗肯以寡人之命而易其操。  
敢一說，疑衍，④死與「尸」同。

⑤時往館之時往詣其館也。  
⑥量滿也。

⑦司馬唐秦大夫；一作司馬庚。

⑧



# 疑似

使人大迷惑者，必物之相似也。玉人之所患，患石之似玉者；相劍者之所患，患劍之似吳干<sup>○</sup>者；賢主之所患，患人之博聞辯言而似通<sup>○</sup>者；亡國之主似智，亡國之臣似忠，相似之物，此愚者之所大惑，而聖人之所加慮也。故墨子見歧道而哭之。

○吳干<sup>△</sup>，吳國之干將寶劍也。

○通<sup>△</sup>，達也。

○墨子<sup>△</sup>，見貴因篇。本句一說「墨子」下脫「見練絲而泣」

之爲其可以黃可以黑揚子」十六字，「哭之」下脫「爲其可以南可以北」八字；一說，恐因墨子泣絲事而誤。

周宅鄧鎬，○近戎人，與諸侯約：「爲高葆〔禱〕壻於王路，○置鼓其上，遠近相聞，即戎寇至，傳鼓相告，諸侯之兵皆至救天子。」戎寇當○至，幽王○擊鼓，諸

侯之兵皆至，襄嬖<sup>⑤</sup>大說喜之，幽王欲襄嬖之笑也，因數擊鼓，諸侯之兵數至而無寇，至於後，戎寇真至，幽王擊鼓，諸侯兵不至，幽王之身，乃死於麗山<sup>⑥</sup>之下，爲天下笑。此夫以無寇失真寇者也。賢者有小惡以致大惡，襄嬖之敗，乃令幽王好小說<sup>⑦</sup>以致大滅，故形骸相離，三公九卿出走，此襄嬖之所用死，而平王所以東徙也。<sup>⑧</sup>秦襄晉文之所以勞王，勞而賜地也。<sup>⑨</sup>

○宅居也。鄠亦作「豐」，在今陝西長安縣西北，鎬在長安縣西，皆周舊都也。○葆一作「堡」，塲

音麟（分么），堡也。王路大路也。○當一作「嘗」。○幽王見離騷篇。○襄嬖，褒國之女，褒國進

於幽王，幽王愛之，廢后申氏而立爲后。○麗山亦作驪山，在陝西臨潼縣東南，戎人入寇，殺幽王於

山下。○說讀如「悅」。○平王名宜臼，幽王后申氏所生，初爲太子，及襄嬖爲后，宜臼亦被廢，襄嬖

子伯服爲太子，申侯、宜臼之舅也，怒而引戎入寇，殺幽王，立宜臼，是爲平王，平王畏戎逼，東遷於洛，爲

東周，而周室衰。○秦襄秦之襄公也，戎之難，襄公以兵救周，滅甚力，及平王東徙，襄公以兵送之，平

王封爲諸侯，賜之岐西之地，秦於是始國。晉文、晉文侯仇也，戎寇周，文侯亦有功焉。

梁北有黎丘部，<sup>①</sup>有奇鬼焉，喜効人之子姪昆弟之狀。邑丈人<sup>②</sup>有之市而醉歸者，黎丘之鬼効其子之狀，扶而道苦之；丈人歸，酒醒而誚<sup>③</sup>。其子曰：『吾爲汝父也，豈謂不慈哉？我醉，汝道苦我，何故？』其子泣而觸地曰：『孽矣！無此事也！昔也往責於東邑人<sup>④</sup>，<sup>⑤</sup>可問也。』其父信之，曰：『譴是必夫奇鬼也！我固嘗聞之矣。』明日端<sup>⑥</sup>復飲於市，欲遇而刺殺之。明且之市而醉，其真子恐其父之不能反也，遂逝<sup>⑦</sup>迎之，丈人望其真子，拔劍而刺之。丈人智惑於似其子者，而殺其真子，夫惑於似士者，而失於真士，此黎丘丈人之智也。疑似之迹，不可不察，察之必於其人也。舜爲御，堯爲左，禹爲右，入於澤而問牧童，入於水而問漁師，奚故也，其知之審也；夫孿子<sup>⑧</sup>之相似者，其母常識之，知之審也。

①部一作「鄉」。

②丈人見異寶篇。

③誚讓也。

④昔也猶昨日。責與「債」同，貸也。

⑤可問言可

問東邑人以證明之。

⑥端準備之意。

⑦逝往也。

⑧孿子雙生子也。



察傳

明辨是非

夫得言不可以不察，數傳而白爲黑，黑爲白，故狗似猿，猿似母猴，母猴似人，人之與狗則遠矣。此愚者之所以大過也。聞而審，則爲福矣；聞而不審，不若無聞矣。齊桓公聞管子於鮑叔，楚莊聞孫叔敖於沈尹筮，審之也，故國霸諸侯也。吳王聞越王句踐於太宰嚭，智伯聞趙襄子於張武，不審也，故國亡身死也。凡聞言必熟論，其於人必驗之以理。

○猿，音嬰（ㄩㄥˇ），大猴也。

○過，見謹聽篇。

○鮑叔薦管仲於齊桓公，以成霸業，見貴公篇注。

○楚莊，春秋五霸之一，名旅，一作侶。孫叔敖，見異寶篇。沈尹筮，沈縣大夫名筮也。筮遊郢五年，莊王

欲以爲相，筮辭而薦孫叔敖，莊王從之，相孫叔敖十二年而楚霸。

○吳王闔閭之子夫差也。越王句

踐滅吳稱霸者，太宰嚭，吳之太宰名嚭也。楚伯州犂之孫，逃於吳，又稱伯嚭。一說，州犂之子，越始爲吳

敗，句踐賂太宰嚭以求成，嚭言於夫差而許之，伍員諫不聽，夫差卒爲越所滅。

⑥智伯，晉大夫，名瑤。

趙襄子，晉大夫，名無恤，簡子之子。張武，晉人，事智伯。武先教智伯滅晉大夫范氏中行氏，又教之求地。

於韓魏趙三家，韓魏與之，趙襄子不與，智伯率韓魏以攻趙，趙陰與韓魏合，反攻智伯而滅之。

⑦燕

見重己篇。⑧驗之以理，謂以道理徵驗之。

魯哀公問於孔子曰：「樂正夔一足，信乎？」孔子曰：「昔者舜欲以樂

傳教於天下，乃令重黎舉夔於草莽之中，而進之舜，以爲樂正，夔於是正六律，

和五聲，以通八風，而天下大服，重黎又欲益求人，舜曰：「夫樂，天地之

精也，得失之節也，故唯聖人爲能和。樂之本也，夔能和之以平天下，若夔者，一

而足矣。」故曰夔一足，非一足也。」

①魯哀公，見先己篇。②樂正，官名，樂官也。夔，人名，舜典樂之官。一足，獨脚也。③堯時掌天地四時

之官有羲氏和氏，重卽羲，黎卽和也。④六律，律管之合陽聲者，黃鐘太簇姑洗蕤賓夷則亡射也。

⑤五聲，宮商角徵羽也。⑥八風，八方之風，東風南風西風北風東南風東北風西南風西北風也。

①益求人益求如鑿者。②和調也。

宋之丁氏，家無井，而出溉汲，常一人居外。及其家穿井，告人曰：『吾穿井得一人。』有聞而傳之者曰：『丁氏穿井得一人。』國人道之，聞之於宋君，宋君令人問之於丁氏，丁氏對曰：『得一人之使，非得一人於井中也。』求能之若此，不若無聞也。

③求能之若此，一說疑『求聞若此』。

子夏④之晉，過衛，有讀史記⑤者曰：『晉師三豕涉河。』子夏曰：『非也，是己亥也，夫己與三相近，豕與亥相似。』至於晉而問之，則曰：『晉師己亥涉河也。』辭多類非而是，多類是而非，是非之經⑥，不可不分⑦。此聖人之所慎也；然則何以慎緣物之情，及人之情，以爲所聞，則得之矣。⑧

④子夏，見舉難篇。

⑤史記，記史事之書。

⑥己，古文作丌，亥，古文作丠。

⑦經理也。

⑧分明也。

⑨言因物情人情以爲所聞，則自得之，如一足之夔，穿井得人，三豕渡河，皆物情人情所無，而不足信。

呂氏春秋 蔡傳

者也。



# 壅塞

亡國之主，不可以直言，不可以直言，則過無道。聞而善無自至矣；無自至則壅。

○道今見權勸篇。

秦繆公○時，戎彊大，秦繆公遺之女樂二八與良宰○焉，戎主大喜，以其故數飲食，日夜不休，左右有言秦寇之至者，因扞弓○而射之；秦寇果至，戎主醉而臥於樽下，卒生縛而擒之。未擒則不可知，已擒則又不知，雖善說者猶若此何哉！

○秦繆公名任好，春秋時霸主之一。

○良宰，宰夫之善調味者。

○扞音紆，「扞」挽也。

○四言雖

善說者亦無如之何。

齊攻宋，宋王使人候齊寇之所至，使者還曰：「齊寇近矣，國人恐矣。」

左右皆謂宋王曰：「此所謂肉自生蟲者也，以宋之強，齊兵之弱，惡能如此！」宋

王因怒而誅殺之。又使人往視齊寇，使者報如前，宋王又怒誅殺之，如此者三。

其後又使人往視齊寇，國人恐矣，使者遇其兄曰：「國危甚矣，若將安適？」

其弟曰：「爲王視齊寇，不意其近而國人恐如此也！今又私患鄉之先視齊寇

者，皆以寇之近也報而死，今也報其情，死，不報其情，又恐死，將若何？」其兄曰：

「如報其情，有且先夫死者死，先夫亡者亡。」於是報於王曰：「殊不知齊寇

之所在，國人甚安。」王大喜。左右皆曰：「鄉之死者宜矣。」王多賜之金。寇至，王

自投車上，馳而走，此人得以富於他國。夫登山而視牛若羊，視羊若豚，牛之性不

若羊，羊之性不若豚，所自視之勢過也。而因怒於牛羊之小也，此狂夫之大者；

狂而以行賞罰，此戴氏之所以絕也。

○齊潛王攻宋而滅之。

○宋王名偃，宋至偃始稱王，暴虐無道，爲宋末君。

○候見貴因篇。

○誅。

與「屈」同，誦殺枉殺也。

⑤言以實情報，則宋王將殺之，不以實情報，又恐齊兵至，因無備而死難。

⑥有見首時篇。

⑦言所從視之失，而非實情也。

⑧戴氏，宋戴公之後，其子孫與宋同存亡。戴氏之

所以絕猶言宋之所以不祀也。

齊王欲以淳于髡<sup>三</sup>傅太子，髡辭曰：「臣不肖，不足以當此大任也，王不若擇國之長者而使之。」齊王曰：「子無辭也，寡人豈責子之令太子必如寡人也哉，寡人固生而有之也，子爲寡人令太子如堯乎，其如舜也？」凡說之行也道，不智聽智從〔自〕非受是也，今自以賢過於堯舜，彼且胡可以開說哉！說必不入，不聞存君。

①淳于髡，見離謂篇。

②道謂有道也。

③謂危亡也。

齊宣王好射，說人之謂己能用彊弓也；其嘗所用，不過三石，以示左右，左右皆試引之，中關而止，皆曰：「此不下九石，非王其孰能用是！」宣王之情，所用不過三石，而終身自以爲用九石，豈不悲哉！非直士其孰能不阿主，世之直

士，其寡不勝衆，數<sup>④</sup>也；故亂國之主，患存乎用三石爲九石也。

○齊宣王名辟疆。

○闕，讀如「彎」；中闕而止謂彎弓弦至半而止，不曳滿也。

○情，情實。

○數，

道數也。





# 別類

知不知上矣。○過者之患，不知而自以爲知，物多類然而不然，故亡國僂民無已。夫草有莘有藟，獨食之則殺人，合而食之則益壽。○萬董不殺。○漆淖。○水淖，合兩淖則爲蹇。○溼之則爲乾。○金柔錫柔，合兩柔則爲剛，燔之則爲淖。○或溼而乾，或燔而淖，類固不必可推知也。小方，大方之類也；小馬，大馬之類也；小智，非大智之類也。

○言己所不知，卽自承不知，上也。

○合藥而服之，能愈人病，故曰益壽。

○董，鳥頭也，毒草。萬董，不

殺其理不詳。

○淖，音鬧（ㄋㄠˋ），濡甚也。

○蹇，彊也。合兩淖則爲蹇，言水漆相合，則堅彊也。

○乾，

燥也。

○火熾金流，故爲淖也。

魯人有公孫綽者，○告人曰：『我能起死人。』人問其故，對曰：『我固能治

偏枯，今吾倍所以爲偏枯之藥，則可以起死人矣。』物固有可以爲小，不可以爲大，可以爲半，不可以爲全者也。①

①公孫綽，一作王孫綽，謂爲周人或衛人。②言公孫綽之說之謬也。

相劍者曰：『白所以爲堅也，黃所以爲物③也，黃白雜，則堅且物，良劍也。』難者曰：『白所以爲不物也，黃所以爲不堅也，黃白雜，則不堅且不物也；又柔則鎔，④堅則折，劍折且鎔，焉得爲利劍！』劍之情未革，⑤而或以爲良，或以爲惡，說使之也；故有以聰明聽說，則妄說者止，無以聰明聽說，則堯桀無別矣。⑥此忠臣之所患也，賢者之所以廢也。義小爲之，則小有福，大爲之，則大有福，於禍則不然，小有之，不若其亡也。射招⑦者，欲其中小也，射獸者，欲其中大也，物固不必，安可推也！

①物音人（口ㄨ），去聲，與「朝」通，柔而固也。②鎔音捲（ㄐㄩㄥ），屈金也。③劍之情未革，謂

劍之實情未更改。④堯舜無別，言不能別其爲堯爲舜。⑤招見本生篇。

高陽應<sup>①</sup>將爲室，家匠<sup>②</sup>對曰：『未可也，木尙生，<sup>③</sup>加塗其上，必將撓，<sup>④</sup>以生爲室，今雖善，後將必敗。』高陽應曰：『緣子之言，則室不敗也，木益枯則勁，塗益乾則輕，以益勁任益輕，則不敗。』匠人無辭而對，受令而爲之。室之始成也善，其後果敗。高陽應好小察而不通乎大理也，驥驚綠耳，<sup>⑤</sup>背日而西走，至乎夕，則日在其前矣，目固有不見也，智固有不知也，數固有不及也，不知其說所以然而然，聖人因而興制，不事心焉。

①高陽應

高陽姓，應名，宋大夫，善辯；一作高陽應。

②家匠私有之匠人。

③木尙生，謂木猶未乾。

④撓音鬧（ㄋㄠˋ），平聲，弱曲也。

⑤驥驚見察今篇綠耳，亦駿馬名，亦作驟耳，又作驟耳。

分職

分職

先王用非其有，如己有之，通乎君道者也。夫君也者，處虛素服，而無智，故能使衆智也；智反無能，故能使衆能也；能執無爲，故能使衆爲也；無智無能無爲，此君之所以執也；人主之所惑者則不然，以其智彊智，以其能彊能，以其爲彊爲，此處人臣之職也。處人臣之職，而欲無壅塞，雖舜不能爲。武王之佐五人，武王之於五人者，事無能也，然而世皆曰：『取天下者，武王也。』故武王取非其有，如己有之，通乎君道也，通乎君道，則能令智者謀矣，能令勇者怒矣，能令辯者語矣。夫馬者，伯樂相之，造父御之，賢主乘之，一日千里，無御相之勞，而有其功，則知所乘矣。今召客者，酒酣歌舞，鼓瑟吹竽，明日不拜樂己者，而拜主人，主人使之也；先王之立功名，有似於此，使衆能與衆賢，功名大立於世，不予佐之者，而

予其主，其主使之也。譬之若爲宮室，必任巧匠，奚故曰：「匠不巧，則宮室不善。」夫國重物也，其不善也，豈特宮室哉！巧匠爲宮室，爲圓必以規，爲方必以矩，爲平直必以准繩，<sup>①</sup>功已就，不知規矩繩墨，<sup>②</sup>而賞匠巧也，「匠之」宮室已成，不知巧匠，而皆曰：「善，此某君某王之宮室也。」此不可不察也。人主之不通主道者則不然，自爲「人」之則不能，任賢者則惡之，與不肖者議之，此功名之所以傷，國家之所以危。棗棘<sup>③</sup>之有，裘狐之有也，食棘之棗，衣狐之皮，先王固用非其有而已有之；湯武一日而盡有夏商之民，盡有夏商之地，盡有夏商之財，以其民安，而天下莫敢之<sup>④</sup>危，以其地封，而天下莫敢不說，以其財賞，而天下皆競，無費乎<sup>⑤</sup>鄴與岐周，<sup>⑥</sup>而天下稱大仁稱大義，通乎用非其有。

① 素服即素位素守之意。

② 五人周公旦召公奭太公望畢公高蘇忿生

——武王時司寇

——也。

③ 伯樂姓孫，名陽，善相馬，事秦穆公。

④ 造父，嬴姓，善御，事周穆王。

⑤ 樂己者謂倡優。

⑥ 規矩

准繩皆器名，規所以爲圓，矩所以爲方，准所以爲平，繩所以爲直。

⑦ 墨之用與繩等，見離俗覽。

⑧ 棗

樹之小而叢生者爲棘。④敢之一說，似當乙。⑤鄭讀如「衣」，般舊封國名，如周之岐。岐周見貴

因篇。

白公勝得荆國，①不能以其府庫分人；七日，石乞②曰：「患至矣！不能分人，則焚之，毋令人以害我。」白公又不能；九日，葉公③入，乃發太府④之貨予衆，出高庫⑤之兵以賦⑥民，因攻之，十有九日而白公死。國非其有也，而欲有之，可謂至貪矣，不能爲人，又不能自爲，可謂至愚矣，譬白公之齋，若臯之愛其子也。⑦

①白公勝，見精諭篇。勝殺令尹子西，司馬子期而得荆國。②石乞，白公臣。③葉公，楚葉縣尹，姓沈，

名諸梁，字子高，僭稱公。④太府，藏財貨之所。⑤高庫，藏兵械之所。⑥賦，與也。⑦言白公愛財

而殺其身，猶臯愛其子，子長而食其母。

衛靈公①。天寒鑿池，宛春②諫曰：「天寒起役，恐傷民。」公曰：「天寒乎？」宛

春曰：「公衣狐裘，坐熊席，陳隅有竈，是以不寒，今民衣弊不補，履決不組，君則不寒矣，民則寒矣。」公曰：「善。」令罷役，左右以諫曰：「君鑿池，不知天之寒也，

而春也知之，以春之知之也，而令罷之，福<sup>④</sup>將歸於春也，而怨將歸於君。公曰：『不然，夫春也，魯國之匹夫也，而我舉之，夫民未有見焉，今將令民以此見之。』曰：且春也有善，於寡人有也，春之善，非寡人之善歟！靈公之論宛春，可謂知君道矣，君者固無任，而以職受任，工拙下也，賞罰法也，君奚事哉？若是則受賞者無德，而抵<sup>⑤</sup>誅者無怨矣，人自反而已。此治之至也。

也。

① 衛靈公名元。

② 宛春人姓名，魯人也。

③ 履決不組履穿不補綴也。

④ 福，一作「德」。

⑤ 抵當

務大

西世有王，七山環地。



嘗試觀於上志，○三王之佐，其名無不榮者，其實無不安者，功大故也；俗主之佐，其欲名實也，與三王之佐同，其名無不辱者，其實無不危者，無功○故也，皆患其身不貴於其國也，而不忠其主之不貴於天下也，此所以欲榮而逾辱也，欲安而逾危也。孔子曰：「燕爵爭善處於一屋之下，母子相哺也，〔區區〕嘔嘔焉相樂也，自以爲安矣，竈突決，〔棟〕焚棟，燕爵顏色不變，是何也，不知禍之將及之〔區區〕也，不亦愚乎！」爲人臣而免於燕爵之智者寡矣，夫爲人臣者，進其爵祿富貴，父子兄弟相與比周，〔區區〕於一國，〔區區〕嘔嘔焉相樂也，而以危其社稷，其爲竈突近矣，而終不知也，其與燕爵之智不異。故曰：天下大亂，無有安國，一國盡亂，無有安家，一家盡亂，無有安身，此之謂也。故細之安，必待大，大之安，必待小，細大



賤貴，交相爲贊，<sup>④</sup>然後皆得其所樂。

①上志，古代之記載。

②無功無大功也。

③嘔，音吁（丁）。

嘔，喜樂貌。

④竈突竈上煙肉也。

決出露之意。竈突外露，燭薪不深入，易致火災也。

⑤之一說，當作「己」。

⑥比周阿附之意。

⑦贊

助也。

薄疑<sup>①</sup>說衛嗣君<sup>②</sup>以王術，嗣君應之曰：「所有者，<sup>③</sup>千乘也，願以受教！」

④薄疑對曰：「烏獲奉千鈞，又況一斤。」<sup>⑤</sup>杜赫以安天下說周昭文君，<sup>⑥</sup>昭文

君謂杜赫曰：「願學所以安周！」杜赫對曰：「臣之所言者不可，則不能安周矣，

臣之所言者可，則周自安矣。」此所謂以弗安而安者也。鄭君<sup>⑦</sup>問於被瞻<sup>⑧</sup>曰：

「聞先生之義，不死君，不亡君，信有之乎？」被瞻對曰：「有之，夫言不聽，道不行，

則固不事君也，若言聽道行，又何死亡哉！」故被瞻之不死也，賢乎其死亡者

也。昔有舜欲服海外而不成，既足以成帝矣，禹欲帝而不成，既足以王海內矣，湯

武欲繼禹而不成，既足以王通達<sup>⑨</sup>矣，五伯欲繼湯武而不成，既足以爲諸侯長

矣，孔墨欲行大道於世而不成，既足以成顯榮矣，夫大義之不成，既有成已，故務事大。

①薄疑人姓名，衛臣也。

②衛嗣君，戰國時衛君，以國弱，始貶號爲君。

③句首一有「子」字。

④謂

惟願以千乘國受教。

⑤烏獲見重已篤，奉一作「舉」。

千鈞三萬斤也。千鈞喻王術，一斤喻治國，言

王術可爲，於治國何有。

⑥杜赫，周人。周末，分東西二周，昭文君，東周之君也。

⑦鄭君，鄭穆公也。

⑧被瞻，人姓名，鄭大夫瞻，一作「詹」。⑨通達四通八達，喻其廣也。



書叢學國生學

秋春氏呂

究必印翻編作著有書此

中華民國十六年七月初版

每册定價大洋伍角

外埠酌加運費匯費

選註者

莊

適

編輯主幹

王 經 坤

農 廬

發行兼  
印刷者

上海寶山路  
商務印書館

發行所

上海及各埠  
商務印書館

Students Chinese Classics Series  
SELECTIONS FROM LU SZE CHUN CHU

With Introduction and Notes by  
CAUANG SHIH

Edited by

Y. W. WONG AND KING CHU, M. A.

1st ed., July, 1927

Price: \$0.50, postage extra

THE COMMERCIAL PRESS, LTD.

Shanghai, China

All Rights Reserved

379=371

# 書叢學國生學

論士輯編

農經朱 廬岫王

後陶	呂氏	李後	新序	傅習	晏子	春秋	禮記	史記	文選	列子	墨子	淮南	管子	孟子	莊子	韓非	荀子	詩經
淵明	氏春	後主	序說	習錄	子春	公羊	記	記	通義	子	子	子	子	子	子	子	子	子
莊適	東華	莊適	戴景	莊適	葉紹	莊適	計碩	葉紹	胡懷	章錫	唐敬	唐敬	沈雁	唐敬	繆天	沈雁	唐敬	葉紹
選註	選註	選註	選註	選註	選註	選註	選註	選註	選註	選註	選註	選註	選註	選註	選註	選註	選註	選註
一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊
定價三角五分	定價三角	定價五角	定價九角	定價三角五分	定價七角	定價七角	定價一元四角	定價七角	定價四角	定價六角	定價七角	定價六角	定價五角	定價四角	定價五角	定價六角	定價六角	定價六角

中華書局發行 定價每冊 拾月陸日

## 商務印書館發行

贈送

國家圖書館



004756927

